



高密國

方輿紀要——本齊地今萊州府膠州以西是其地

按漢——今山東萊州府之——縣青州府之安邱諸

城二縣皆其地

故齊文帝十六年別為膠西國宣帝本始元年更為高密國

地理志稽疑——故屬秦琅邪郡楚漢之際屬齊國分置

膠西郡高帝四年屬漢仍屬齊國文帝十六年別為國景

帝二年為郡三年復為國武帝元封三年為郡 新校地

理志文帝十六年封悼惠王子卬十一年反誅景帝三年

卷九十三

立子端武帝元封三年薨國除為郡宣帝本始元年更為

——立廣陵王胥少子宏

縣五

高密昌安石泉夷安成鄉

高密

史記樂毅傳趙為秦所滅樂臣公亡之齊——水經注


濰水又北逕——縣故城西應劭曰縣有密水故有——

之名然今世所謂百又水者蓋密水也東北逕——縣故

城南十里蓄以為塘方二十餘里古所謂——之南鄉也

濰水自堰北又逕——縣故城西又北即韓信與楚將龍

且夾濰水而陣斬龍且之處也 後書光武紀注——今





密州縣故城在今縣之西南 元和志瀕水在——縣西南去縣四十里 齊乘瀕水東西至巴山密水入焉 方輿紀要——城在今膠州——縣西南四十里又謂之成陰城鄭康成碑城陰即——也 一統志——故城在今萊州府——縣西南密水自青州府諸城縣流八瀕

莽曰章牟

昌安

水經注瀕水又東逕——縣故城東 後書鄧禹傳注——故城即今密州安邱縣外城也 方輿紀要——城在今青州府安邱縣西南十里 一統志——故城即今青

州府安邱縣治

石泉

卷九十三

二

水經注瀕水又北逕——縣故城西地理風俗記曰平昌縣東南四十里有——亭故縣也 一統志——故城在今青州府諸城縣東北寰宇記謂在安邱縣西南六十里乃誤指平昌故城耳

莽曰養信

夷安

水經膠水又北過——縣東注云應劭曰故萊夷維邑太史公曰晏平仲萊之夷維人也縣西去瀕水四十里有潭周四十里謂之——潭瀕水枝津之所注也 後書鄧禹傳注——故城即今密州高密縣外城也 寰宇記今高

密縣理東南外城卽——城 一統志——故城卽今萊  
州府高密縣治山東通志——城在今高密縣東南十五  
里

莽曰原亭

成鄉

寰宇記郡國縣道記云北海有——王莽改曰石樂此——  
王莽改曰順城則此——蓋在安邱縣北與北海——  
六牙相錯

莽曰順城

卷九十三

三



常熟 吳卓信 編纂

城陽國

後書光武紀注——改城在今沂州臨沂縣南 肇域

記漢——治莒孝文二年以齊劇郡立朱虛侯章為一

一王 按戰國策貂勃對襄王曰昔王不能守王之社稷

走而之——之山中則古齊時已名——矣 史記淮陰

侯傳齊王廣亡去信遂追北至——田橫傳收齊兵散反

擊項羽于——皆在此正義以為濮州雷澤縣皆非是

方輿紀要——本齊國地今青州府莒州是 山東通

志漢——城在今諸城縣北六十里浯水入焉 按漢

卷九十四

——今山東沂州府之沂水縣及莒州皆其地

故齊文帝二年別為國

地理志稽疑——秦琅邪郡楚漢之際屬齊國分置高帝

四年屬漢仍屬齊國惠帝元年為魯元公主湯沐邑置魯

國文帝元年復屬齊國二年別為國八年復為郡屬齊國

十二年復為國成帝鴻嘉三年復為郡永始元年復為國

按——膠西高帝並以封齊王見本紀而悼惠傳亦以

——為魯元公主 沐 ——膠西不置自文帝明矣

莒曰莒陵屬兗州縣四

莒陽都東安慮

莒

水經沐水又東南過一縣東注云尸子曰莒君好鬼巫而國亡無知之難小白奔焉樂毅攻齊守險全國秦始皇縣之其城三重並悉崇峻惟南開一門內城方十二里郭周四十許里 元和志今密莒縣故一子國也縣里卽在一國故城中 大清一統志一縣故城卽今沂州府沂州治故國盈姓三十世爲楚 滅少昊後

史記楚世家簡王 北伐滅一 杜預左傳注一 國今城陽一縣 春秋世族譜莒嬴姓少昊之後周武王封茲輿期于一初都計後徙一今城陽一縣是也 孔氏春秋正義世本云莒已姓文八年傳稱穆伯奔莒從己氏是一已姓也 按一國世本作己姓也世族譜作嬴姓本志作

卷九十四

二

盈姓未知誰是 又按漢之一縣卽今沂州府之一州武王初封少昊之裔茲輿期于計不知何年徙都于此傳三十世至子朱號渠邱公爲楚簡王所滅地入于齊爲一邑戰國時齊潛王走一樂毅下齊七十餘城惟聊一卽墨三城不下並卽此 又按春秋時有二一一爲齊東境之一邑昭三年齊侯田于莒十年陳桓子請老子一是也高江村曰取地于一遂謂之一如鄭取許田而謂之許楚取沈邑而謂之沈魯有薛地而謂之薛耳一爲魯之一父定十四年城一父及霄是也顧震滄曰一係以父魯人語音如梁父亢父單父是也子夏爲一父宰卽此惟此爲一國或謂卽一父未敢審定也



有鐵官

續志一縣有

莽曰莒陵

接當有亭字

陽都

水經注沂水又南逕一一縣故城東 又云沐水又南逕

一一縣東山上有故城世謂之監官城非也 又云蒙山

水出蒙山之陰東流逕一一縣南東注沂水 後書明

帝紀注一一縣故城在今沂州沂水縣南 山東通志一

一城在今沂水縣南一百二十里 大清一統志一一故

城在今沂州府沂水縣南春秋時陽國也閔公二年齊人

卷九十四

遷陽應劭曰一一故陽國是也 按功臣侯表高帝六年

封丁復又恩澤侯表有張彭祖並即此

東安

一統志一一故城在今沂州府沂水縣南在縣南三十里

錢坫曰東海郡亦有此縣疑為一地也今沂水縣與海

州壘境南北相接

慮

水經注作廬 水經注廬川水出鹿嶺山東南流左則二

川臻委右則諸葛泉源斯奔亂流逕城陽之一縣故蓋縣

之廬上里也又東南注于桑泉水一統志廢廬水縣在今

沂州府沂水縣西南 山東通志一縣故城在蒙陰縣東

北一百二十里慮峒山下錢坵曰東海有昌慮縣在兗州  
府滕縣東南此當近之 按王子侯表雷侯豨武帝元朔  
二年以城陽共王弟封注云東海注據本志東海無雷縣  
水經注以爲卽城陽之盧縣考職方兗州其浸盧濰康成  
讀盧爲雷則盧雷二字古本通用而東海與城陽接界故  
有移屬乎表志如此類者甚多

莽曰著善

卷九十四



常熟 吳卓信 編纂

淮陽國

晉地書地記陳州西南角有淮陽城漢——城也 水

經注泗水又東南逕——城北城臨泗水昔留邱訢飲馬

斬蛟眇目于此處也 後書光武紀注——郡故城在今

陳郡宛邱縣西南 通典漢——郡故城在陳州宛邱縣

西南 大清一統志——故城在今陳州府淮寧縣西南

按漢——今河南陳州府之淮寧太康扶溝三縣歸

德府之鹿邑柘城二縣開封府之杞縣皆其地 全祖望

曰陳勝傳曰攻陳陳守令皆不在獨守丞與戰譙門中劉

卷九十五

原父曰秦不以陳爲郡何庸有守守非正官謂權守者耳

原父之言似也而非蓋使如其言當言守令不在不當言

守令皆不在是守令自屬二人不可以下文守丞爲例也

然則三十六郡外有陳郡乎又非也楚郡卽陳郡也楚郡

治陳故亦稱陳郡如齊郡稱臨淄郡東海郡稱郯郡之

比秦之楚郡治陳漢改治彭城而別陳爲淮陽原父考之未

詳也 又曰顧宛溪云淮陽故秦潁川郡地非也淮陽是

陳陳乃楚地安得云屬潁川此蓋因漢初韓王信兼有淮

陽而誤

高帝十一年置

晉書地理志漢分潁川立淮陽郡 全祖望曰——故屬

秦楚郡楚漢之際屬楚國高帝五年屬漢仍屬楚國六年  
置——郡十一年爲國惠帝元年爲郡高后元年復爲國  
四年爲郡宣帝元康三年復爲國 王鳴盛曰汲黯傳拜  
爲淮陽太守自言棄逐居郡云云其下文又云居郡政清  
又言上今黯以諸侯相秩居淮陽則淮陽是郡名明矣而  
今地志有——無——郡注但云高帝十一年置屬兗  
州絕不見其曾爲郡愚以異姓諸侯王表及高五王文三  
王景十三王宣元六王等傳考之高帝之子反以高帝十  
一年始立爲——王至惠帝元年徙王趙是爲趙幽王則  
——除爲郡矣惠帝薨高后以假立惠帝之子強爲——  
——王強死又以武代文帝立武被誅則——又除爲郡

卷九十五

二

矣其後文帝之子武以文帝三年又立爲——王王十年  
而徙梁是爲梁孝王則——又除爲郡矣其後景帝之  
子除以景帝二年又立爲——王王二年而徙魯是爲魯  
其王則——又除爲郡矣其後宣帝之子欽以宣帝元  
康三年又立爲——王是爲憲王傳子及孫凡有國六七  
十年至王莽乃絕此郡始爲國改 郡後復爲國改易凡  
八九次終爲國地志以最後之元始爲據故言國而中間  
沿革則俱略去也汲黯爲——守當武帝時而其前申屠  
嘉亦嘗爲之此當惠帝元年以後國除爲郡之時又司馬  
安淮夫田廣明皆嘗爲之此則皆在武帝時又韓延壽亦  
嘗爲之此則在昭帝時蓋自景帝四年爲郡至宣帝元康



三年爲郡者約九十年故爲守之見于史者如此之多若  
鄭宏傳兄昌爲——相此則在宣帝時憲王欽之國以後  
事矣又尹齊爲——都尉見酷吏傳亦在武帝爲郡之時  
若國則不當有都尉也

莽曰新平屬兗州

續志屬豫州

縣九

陳苦陽夏寧平扶溝固始圍新平柘

陳

史記陳涉世家收兵攻陳陳守令皆不在乃入據——自立  
爲——王號張楚又張耳陳餘傳兩人乃名姓俱至——爲

卷九十五

三

里監門

說文——宛邱也舜後嬀滿之所封从自从木申

聲 水經注沙水又東南逕——城北故——國也伏羲神農

並都之南郭裏又有一城名曰淮陽城子產所置也陳之

東門內有池詩所謂東門之池也 元和志今陳州郭下

宛邱縣本漢——縣春秋時楚滅陳縣之秦漢仍爲——縣

詩地理考今——州城在古——城內西北隅 一統志——縣

故城卽今陳州府郭淮寧縣治

故國舜後胡公所封

史記陳杞世家禹封舜子商均于虞其後或失或續至周  
武王克殷乃復求舜後得嬀滿封之于陳以奉舜祀是爲

胡公 鄭氏詩譜——者太皞虞犧氏之墟帝舜之冑有虞

闕父者爲周武王陶正武王賴其利器用與其神明之後  
封其子媯滿于——是曰——胡公其封域在禹貢豫州之東  
其地廣平無名山大澤西望外方東不及盟諸 春秋世  
族譜——媯姓虞帝之後當州之興有虞遏父者爲周陶正  
武王賴其利器用與其先聖之後以元女太姬妃其子滿  
封于——賜姓曰媯號胡公 說文——舜後媯滿之所封从  
自从木申聲臣鉉等曰——者太皞之墟畫八卦之所木德  
之始故從木

爲楚所滅

左傳哀十七年楚公孫朝帥師滅陳 史記陳杞世家楚  
惠王復國以兵北伐殺陳潛公遂滅陳而有之

卷九十五

四

楚襄頃王自郢徙此

史記楚世家頃襄王二十一年秦白起拔郢燒夷陵楚王  
兵散遂不復戰東北保于——城 水經注楚襄王爲秦所  
伐徙都于此文穎曰西楚矣三楚斯其一焉 元和志陳  
州理城楚頃襄王所築卽古陳國城也及頃襄王爲秦所  
迫徙都于此

莽曰陳陵

苦

史記陳涉世家葛嬰攻——下之 又老子傳老子者楚——  
縣厲鄉曲仁里人也正義曰厲音賴 續志——春秋時曰  
相 水經注過水又東逕——縣西南分爲——水支流注于



東北賴城入谷爲死澗也又東南屈逕一故城南又東北  
屈至賴鄉西谷水注之 後書桓帝紀注一縣故城在今  
亳州谷陽縣一音戶又如字 括地志一縣在亳州谷陽  
縣界今眞源縣也 舊唐志亳州眞源縣漢一縣隋爲谷  
陽泉封元年改爲眞源 史記索隱一音怙 一統志一  
縣故城在今歸德府鹿邑縣東十里卽賴鄉城也亦名厲  
鄉 按水經注渦水又東逕相縣故城南其城卑小實中  
邊韶老子碑云老子楚相縣人相縣虛荒今屬苦故城猶  
在賴游鄉之東老相城在今鹿邑縣東十五里本秦時故  
縣非漢沛郡治之相縣也續郡國志云一春秋時曰相是  
也

卷九十五

五

莽曰賴陵

按一縣爲老子所生故莽以之字縣

陽夏

應劭曰夏音賈 鄭德音假借 韋昭音更雅反 正義

音古雅反 史記始皇紀二世二年一一人吳廣起兵又

項羽紀漢王乃追項王至一一南止軍與韓信彭越期會

而擊楚軍 水經注過水又東南逕一一縣西 又云涉

水又東逕一一縣故城西 又云魯溝水又東南至一一

縣故城西 隋志淮陽郡太康縣舊曰一一開皇七年更

名 元和志陳州太康縣本漢一一縣其城夏后太康所

築 寰宇記太康縣漢爲一一縣縣有南拒臺北拒臺漢

王追項羽至——南止軍今此南北二臺相去一里是楚漢相拒之處 大清一統志——故城卽今陳州府太康縣治

寧平

水經注——城在沙水北 後書皇后紀注——故城在今亳州谷陽縣西南 元和志——故城在今亳州眞源縣西 五十五里 大清一統志——故城在今歸德府鹿邑縣西南五十里

扶溝

水經注沙水又南逕——縣故城東縣卽潁川之穀平鄉也有扶亭又有洧水溝故縣有——之名也又南逕小扶

卷九十五

六

城西南城卽——縣之平周亭也又東南逕大扶城西城卽扶鄉故縣也 又云康溝水又東逕——縣之白亭東陳留風俗傳曰——縣有帛鄉帛亭名在七鄉十二亭中又東南逕——縣故城東而東南注沙水 元和志今許州——縣本漢舊縣 寰宇記古——城在今縣東北二十里 大清一統志——故城在今陳州府——縣東北五十里

渦水

按爾疋說文水經並作渦水 師古曰渦音戈又音瓜首受狼湯渠東至向

屬沛郡



爾雅釋水過爲洵郭注大水決爲小水也呂忱曰洵過水也說文過水受淮陽——浪湯渠東入淮从水過聲

水經淮水又東過當塗縣北過水從西北來注之 又云陰溝水出陽武縣狼湯渠東南至沛爲過水又東南至下邳淮陵縣入於淮注云陰溝首受大河于卷縣陰溝始亂浪湯終別于沙而過水出焉過水首受——縣狼蕩渠不得至沛方爲過水也過水又東合北肥水北肥水又東南至向縣故城南又東入于過過水又東注于淮經言至下邳淮陵入淮誤矣 廣韻過亦作過水名出淮陽——狼蕩渠 元和志過水首受蔡水東流經太康縣北下流入

卷九十五

于淮 今水經過水源出河南太康縣自黃河東流經蒙城縣北沿懷遠縣東北入于淮 大清一統志過水在今

——縣東卽蔡水分流東流經太康縣北又東南經柘城鹿邑又東入江南潁州府亳州北又東逕蒙城縣北又東入鳳陽府懷遠縣北又東入淮謂之渦口 水道提綱過河出河南太康縣東南東流數十里分二支一支南流經鹿邑縣南入江南界經亳州南境又至壽州西境入淮一支自太康東流經柘城縣南經鹿邑東北境入江南界經亳州城北又東南經蒙城縣北懷遠縣北又東南入淮

過郡三行千里

過河南淮陽沛三郡

本書高帝紀漢王與韓信彭越會擊楚至固陵不會晉灼曰固陵卽一一也師古曰後改爲一一耳又云本名寢邱卽楚令尹孫叔敖所封地 水經注汝水別瀆又東逕一

縣故城北地理志曰縣故寢也寢邱在南故藉邱以名縣矣城北又有孫叔敖碑建武二年司空李通又募叔敖

受邑光武嘉之更名一一 括地志固陵名在陳州宛邱縣西北四十三里 寰宇記固陵在今宛邱縣西北三

十里高一丈二尺今俗呼爲穀陵 大清一統志一一故城在今陳州府淮寧縣西北固陵聚在太康縣西 按本

志無一一故寢之文不知酈氏何所據餘詳汝南郡寢縣

下

卷九十五

固

左傳昭五年韓宣子自楚反過鄭鄭伯勞諸一杜注一鄭

地 史記楚世家楚人以弋說襄王曰王朝張弓而射魏之大梁之南還射一之東 本書功臣侯表轅陽侯江喜

以一嗇夫捕反者公孫勇侯師古曰一淮陽縣也 陳留風俗傳一故鄭地鄭取之苦楚之難修干戈以一一其患故

曰一一 水經注魯溝水又東南逕一縣故城北逕一邊陲之號也 後書蔡邕傳注一縣故城在今汴州陳留縣東

南 括地志故一城有南北二城在汴雍邱縣界本屬外

黃卽魏太子申見外黃徐子之地 寰宇記一城在杞縣



南五十里 輿地廣記一城鎮本漢一故城在今雍邱縣  
東南翟義興兵王莽遣孫建擊之于此 金史地理志杞  
縣有一城鎮 大清一統志一縣故城在今開封府杞縣  
南縣志云今名南一鎮 按本書王莽傳每下詔書輒繫  
其故名曰制詔陳留大尹太尉其以益歲以南付新平新  
平故淮陽蘇林曰陳留一縣莽改曰益歲又後書曹褒傳  
注一縣屬陳留據本志一縣屬淮陽不屬陳留豈莽時嘗  
改屬陳留乎益歲之名志亦無之

新平

寰宇記漢一一城在今宛邱縣東北二十五里 一統志  
一一故城在今陳州淮寧縣東北

卷九十五

九

柘

史記陳涉世家葛嬰攻一下之 又灌嬰傳擊破一公王  
武軍徐廣曰一縣屬陳 劉昭注補陳縣有株邑蓋朱襄  
氏之地 水經注穀水又東逕一縣故城東 元和志宋  
州一城縣本陳之株邑詩所謂株林是也故城在今寧陵  
縣南七十里 寰宇記一縣以邑有一溝爲名 一統志  
一縣故城在今歸德府一城縣北 按恩澤侯表魏相封  
高平侯注曰一據志一縣屬淮陽則高平乃一縣鄉名也

常熟 吳卓信 編纂

梁國

戰國策今梁者天下之脊也 史記陳涉世家令魏人周市北徇魏地師古曰卽梁地非河東之魏也 又梁孝王世家梁爲大國居天下膏腴地地北界泰山西至高陽四十餘城皆多大縣 方輿紀要——秦碭郡漢五年改都睢陽今歸德府及南直徐州碭縣是其境 按漢——今江蘇徐州府之碭山縣又河南歸德府之商邱夏邑虞城三縣衛輝府之考城縣又山東曹州府之曹縣皆其地故秦碭郡高帝五年爲梁國

卷九十六

晉書地理志漢改碭郡曰梁 水經注秦始皇二十二年

以爲碭郡漢高祖嘗以沛公爲碭郡長師古曰以有碭山故名碭郡 元和志梁卽今宋州之地秦并天下改爲碭

郡後改爲——漢文帝封其子武爲梁王 地理通釋高

帝夷彭越分梁地爲二國立子恢爲梁王子友爲淮陽王

地理志稽疑——故屬秦碭郡楚漢之際屬楚國高帝

五年屬漢爲——文帝元年復爲郡二年復爲國平帝元

始三年復爲郡五年復爲國 秦漢郡國考按高帝紀以

碭郡薛郡郟郡三十六縣立交爲楚王楚元王傳交爲楚

王王薛郡東海彭城三十六縣碭郡更名彭城者楚王延

壽謀反國除爲彭城郡紀據始封曰碭郡傳據國除爲彭



城郡實一地也秦碭郡地分隸梁楚二國郡治碭碭屬一  
故志謂一一為秦碭郡矣 按秦碭郡高帝五年為一  
續郡國志同惟水經于汜水獲水睢水三篇並改稱梁  
郡此與陳縣漢相王君造四縣碑以淮陽國為淮陽郡正  
相類

莽曰陳定

按王莽傳有陳定大尹沈意守郡不降為漢兵所殺

屬豫州縣八

碭留好秋蒙已氏虞下邑睢陽

碭

蘇林音唐

師古曰徒浪反

索隱音宕

集韻碭山名

卷九十六

二

或作湯通作一

史記項羽紀沛公軍一

水經注獲水

又東逕一縣故城北又東穀水注之水上承諸陂散流積

而成潭謂之一水陂水東注謂之穀水穀水又東北注于

獲水 括地志宋州一山縣本漢一縣在宋州東一百五

十里 大清一統志一縣故城在今徐州府一山縣南地

名保安鎮

山出文石

史記高祖紀隱于芒一山澤巖石之間 應劭曰一山在

一縣東 水經注一縣分水北有一山一芒二縣之間山

深澤固多懷仁智 廣韻一縣有一山漢高所隱處 師

古曰一文石也其山出焉故以名縣 元和志一山在毫

州永城縣南五十里北去芒山八里 唐書地理志徐州  
貢刀錯紫石一寰宇通志一山在徐州一山縣東南七十  
里縣之名取此 大清一統志一山在今河南歸德府永  
城縣北八十里與江南徐州府一山縣接界亦曰宕山

芥曰節碭

留故戴國

春秋隱十年宋人蔡人衛人伐戴杜注今陳留外黃縣東  
南有戴城 本書新欵傳別西擊邢說軍留南破之師古  
曰留縣名也後爲考城 又翟義傳諸將東至陳留留與  
義會戰破之孟康曰留故戴國後屬陳留今日考城 應  
劭曰戴故留縣章帝改曰考城 字林戴故國在陳留郡

卷九十六

三

續志考城故戴章帝更名

劉昭注補爾雅木立死曰

菑呂氏春秋草鬱卽古菑

水經注汜水又東逕濟陽考

城縣故城南爲菑獲渠考城周之采邑春秋爲戴國陳留

風俗傳曰菑本秦之穀縣後遭漢兵起邑多災年故改名

菑章帝東巡詔曰陳留菑縣其名不善高祖鄙柏人之邑

世宗休聞喜而顯獲嘉應亨吉元符嘉皇靈之顧賜越有

光列考武皇其改菑縣曰考城是瀆蓋因縣以立名矣

顏師古漢書五行志注戴國今外黃縣東南戴城是也讀

者多誤爲載故隋室置載州焉 元和志今曹州考城縣

古戴國也後屬宋楚滅宋改名曰穀漢以爲一縣都城記

曰縣西南有戴水今名戴陂周回可百餘里蓋本戴國取



此陂水爲名也漢興其邑多菑年數不登故邑名菑章帝  
柴于岱宗過此縣詔御史曰陳留一縣其稱不令可改爲  
考城 大清一統志一縣故城在今衛輝府考城縣東南  
舊志云在縣南二十五里 按春秋宋蔡衛三國伐戴陸  
氏釋又云戴音載孔氏正義云古者留戴聲相近故鄭氏  
詩箋讀做載爲熾留是其音同故漢于戴國立留縣然則  
戴當從留聲也 又按功臣侯表高帝十一年封秘彭祖  
爲戴侯卽此一縣也

莽曰嘉穀

杼秋

師古曰杼音食汝反 晉書音義杼音緒 水經注獲水

卷九十六

四

又東逕一一縣故城南 後書蓋延傳注一一故城在今

徐州蕭縣西北 寰宇記一一故城在今蕭縣西七十五

里 大清一統志一一故城在今徐州府碭山縣東舊志

云在縣東六十里

莽曰子秋

蒙

史記莊子傳一人 又周勃世家攻一取之 左傳莊十

二年宋萬弑閔公于一澤杜注一澤宋地梁國有一縣

水經汧水又東至一縣爲睢水餘波南入睢陽城中注云

汧水又東逕一縣故城北俗謂之小一城西征記城在汧

水南十五六里卽莊周之本邑也汧水自縣南出無復有

水惟睢陽城南側有小水南流入于睢汭水又東逕大  
城北自古不聞有二一疑卽一毫也所謂景毫爲北毫矣  
括地志宋州北五十里一城爲景毫因景山爲名卽北  
毫也 元和志一故城在今宋城縣北二十二里 方輿  
勝覽考城東有一澤乃莊周故里 方輿紀要一城在歸  
德府東北四十里亦曰大一城又有小一城在府南二十  
五里中有漆園莊周嘗爲漆園吏其城亦名漆印 大清  
一統志一縣故城在今歸德府商邱縣東北 按此卽北  
毫也湯始興時所居孟子曰湯居亳與葛爲鄰是也鄭康  
成以偃師之毫爲湯始居皇甫謐非之曰湯使亳衆往爲  
葛耕葛在寧陵葛鄉去偃師八百餘里湯焉得越而耕之

卷九十六

五

其說極是左傳莊十二年宋公子御說奔亳杜注亳宋邑  
一縣西北有亳城其地蓋在今歸德商邱縣之西北也  
獲水首受留獲渠東北至彭城

屬楚國

入泗

說文汭水受陳留浚儀陰溝至蒙爲獲水東入于泗从水  
反聲臣鉉等曰今作汭非是 水經汭水出陰溝于浚儀  
縣北又東至梁郡一縣爲獲水獲水出汭水於一縣北又  
東過蕭縣南睢水北流注之又東注彭城縣北東入于泗  
注云獲水首受留獲渠亦兼丹水之稱蓋汭水之變名也  
自一縣東出東南流逕于一澤十三州志曰在一縣東



大清一統志古汴水一名獲水舊時自河南永城縣流經江南碭山蕭縣至徐州府城東北入泗唐宋以來汴渠多自夏邑永城達宿州界又東至泗州入淮而入泗之汴甚少其後大河決嚙遂奪大河故道爲經流矣

過郡五行五百五十里

按依水經注只過梁沛楚三郡

莽曰蒙恩

已氏

左傳哀十七年衛侯入于戎州——杜注戎州戎邑也——

一戎人姓 水經注獲水又東逕——縣南 又云黃溝

又東逕——縣故城北 通典今宋州楚邱縣古之戎州

卷九十六

六

——之邑蓋昆吾之後別在戎翟中周襄王時入居中國 已是戎君之姓漢曰——縣也 大清一統志隋楚邱縣

故城在今曹州府曹縣東南春秋時——邑漢因置——

縣隋開皇六年改置楚邱縣 山東通志——城在今曹

州府曹縣東南四十里

莽曰已善

虞

史記周勃世家攻——取之 本書高帝紀漢王至——使謁

者隨何說英布畔楚 史古考禹封舜子商均少子于此

爲——國 五行志哀帝建平元年隕石——縣二 水經注

獲水又東逕——縣故城北古——國也昔夏少康逃奔有——

爲之庖正一思于是妻之以二姚者也 後書馮魴傳注  
一縣本一國舜後所封之邑今宋州一城縣也 史記索  
隱商君所封一卽今梁國一城縣是也 史記正義一城  
縣在宋州北五十里 一統志一縣故城在今歸德府一  
城縣西南三里 按堯典嬪于一一在河東大陽縣舜因  
以爲有天下之號周興封仲雍之後爲一國正是其地而  
禹受舜禪封商君少子于一却在梁國一縣卽今歸德府  
之一城縣也其後一思妻少康以二姚而邑諸綸卽今縣  
東南三十五里故綸城是也至武王復封舜後嬀滿于陳  
爲三恪其時禹所封梁國之一已絕久矣

莽曰陳定亭

卷九十六

七

下邑

史記魯世家楚考烈王滅魯頃公亡遷一一 又項羽本  
紀呂后見周呂侯爲漢將兵居下邑漢王間往從之 又  
周勃世家下邑先登 水經注獲水又東南逕一一縣故  
城北高祖敗還從昌澤軍子房肇捐地之策收垓下之師  
陸機所謂卽謀一一者也 括地志宋州碭山縣本漢一  
一縣也在宋州東一百二十里 寰宇記宋州一一縣卽  
戰國時一一地或以爲卽陳之株邑 方輿紀要一一故  
城在今歸德府夏邑縣西南 一統志一一故城在今徐  
州府碭山縣東 河南通志夏邑縣戰國時爲一一地因  
其地窪下故名歷代因之金始改曰夏邑以華夏爲名至



今因之

莽曰下洽

睢陽

左傳襄九年士弱曰陶唐氏之火正闕伯居商邱又昭元

年遷闕伯于商邱杜注商邱宋地 世本相土居商邱故

陶唐氏之火正闕伯之所居也宋更名一一 杜氏春秋

釋例宋商商邱三名一地梁國一一縣也 史記項羽本

紀援外黃東至一一皆爭下 又文三王傳孝王廣一一

城七十里 太康三年地記一一地方十三里梁孝王築

以鼓唱節杵而後下和之者稱一一曲今踵以為故今之

東家一一曲是其遺音 水經注汲水又東逕一一縣故

卷九十六

八

城北又云睢水又東逕一一縣故城南 隋志梁郡宋城

縣舊曰一一開皇十八年改北征記一一城周三十七里

南臨濊水凡二十四門 師古曰睢音雖 括地志宋州

外城本漢一一縣也 後書光武紀注一一縣屬梁郡今

宋州也 元和志今宋州郭下宋城縣即漢一一縣 輿

地廣記宋城縣故商邱也闕伯微子皆都之漢曰一一縣

梁孝王都之春秋時隕石五見在蓼隄即梁孝王開道也

地理通釋今應天府宋城縣本漢一一縣張許守一城

并天下蔽遮江淮即此地也 一統志一一故城在今歸

德府商邱縣南 河南通志一一故縣在今歸德府城拱

陽門外 閻若璩曰梁國元書碭縣却不為治治于一一

以梁孝王武傳知之蓋吳楚也國反梁王城守——後廣  
——城七十里大治宮室王國以內史治其民而梁內史  
韓安國從王于——非以——為治而河梁國在秦為碭  
郡治碭縣故沛公軍碭遂以沛公為碭郡長長卽守也至  
漢改爲梁國始移治——全祖望曰地志之首縣于郡  
為治于國爲都是定例也然亦偶有不同者梁都——而  
列于八城之末反首碭蓋梁故秦之碭郡也碭郡始治碭  
改而爲梁國則都——孟堅或仍秦地國之舊未及釐正  
耳

故宋國微子所封

史記宋世家周公既承成王命誅武庚殺管蔡乃命微子

卷九十六

九

開代殷後奉其先祀國于宋 本志周封微子于宋今之

——是也本陶唐氏火正闕伯之墟 鄭氏詩譜武王伐

紂乃以陶唐氏火正闕伯之墟封紂見微子啓爲宋公代

武庚爲商後其封域在禹貢泗濱西及豫州盟豬之野

春秋世族譜宋子姓其先契佐唐虞爲司徒封于商成湯

受命王有天下及紂無道武王滅之而封其子武庚以紹

殷後武庚作亂周公伐而誅之更封紂兄帝乙之元子微

子故爲宋公都商邱今梁國睢陽縣是也 孔氏詩正義

樂記說武王伐紂投殷之後于宋是伐紂卽封微子昭元

年傳曰高辛氏有二子闕伯實沈居于曠林日尋于伐后

帝遷闕伯于商邱主辰商人是因故辰爲商星襄九年傳



曰陶唐氏之火正闕伯居商邱祀大火而火紀時焉相土因之商故主大火以此言之是宋居闕伯故地故地志云周封微子于宋今之——是也 元和志武王封微子于宋自微子至君偃三十三世爲齊楚魏所滅三分其地魏得其梁陳留齊得濟陰東平楚得沛

禹貢盟諸澤在東北

禹貢導荷澤被孟豬

夏官職方青州澤數曰望諸鄭注

望諸明都也在——

爾雅十藪宋有孟諸郭注今在梁

國——縣東北

左傳僖二十八年子玉夢河神曰余賜

汝孟諸之麋杜注孟諸宋數澤水草之交曰麋

又文十

年遂道以田孟諸杜注孟諸宋大藪也在梁國——縣東

卷九十六

十

北 史記夏本紀被明都索隱明都音孟諸孟豬澤在梁

國——縣

水經注黃溝又東逕孟諸澤書曰導荷澤被

孟諸十三州志曰不言入而言被者明不常入也水盛方

乃覆被矣

元和志孟諸澤在今虞城縣西北十里周回

五十里

一統志孟諸澤在今商邱縣東北接虞城縣界

按盟諸澤乃荷澤水所被也禹貢作孟豬周禮作望諸

爾雅左傳並作孟諸史記作明都漢書作盟諸孟望盟

豬諸都皆聲之轉正是一地也今歸德府治東北有孟諸

澤接虞城縣界虞城縣北有孟諸臺俗謂之媚臺亦故澤

地卽杜氏所謂水草之交曰麋者也元時屢爲河水衝決

禹迹不可復問矣

常熟 吳卓信 編纂

東平國

鄭康成尚書注禹貢東原底平東原地名今東平郡是  
廣韻鄆太昊之後風姓卽魯之附庸須句國也 秦爲薛

郡地 漢爲—— 史記索隱張華博物志云兗州——

—— 郡卽尚書之東原 通典漢—— 故城在今鄆州須

昌縣東 蔡氏書傳禹貢東原底平東原漢之—— 今

在鄆州也晁氏曰—— 自古多水患數徙其城咸平中又

徙城于東南則其下濕可知底平者水患已去而底于平

也後人以其地之平故曰—— 方輿紀要—— 取禹

卷九十七

貢東原底平之義今兗州府東平濟寧二州是其地 按

漢—— 今山東泰安府之—— 州兗州府之嶽陽汶上

二縣暨濟寧州治皆其地

故梁國

地理志稽疑—— 本宋地宋亡齊得之本不屬梁其屬梁

自封彭越始也 漢書考異當云故梁國字衍 按水經

注引此文本無國字

景帝中六年別爲濟東國

蔡氏書傳東原在徐之西北而謂之東者以在濟東故也

故漢景帝時亦爲濟東國

武帝元鼎元年爲大河郡



十七史商榷按濟東國除爲大河郡見文三王傳而夏侯  
勝傳云初魯共王分魯西寧鄉以封子節侯別屬大河大  
河後更名——節侯見王子侯表不言國除爲大河者畧  
之 按韋平成傳擢爲諫大夫遷大河都尉服虔曰今——  
郡也本爲濟東國後爲王國除爲大河郡

宣帝甘露二年爲——

地理志稽疑東平故屬秦齊郡楚漢之際屬楚國高帝五  
年屬漢以屬梁國景帝中六年別爲濟東國武帝元鼎元  
年爲大河郡宣帝甘露二年更爲——哀帝建平三年  
復爲郡平帝元始元年復爲國

莽曰有鹽屬兗州有鐵官縣七

卷九十七

二

無鹽任城東平陸富城章亢父樊

無鹽

春秋隱元年及宋人盟于宿杜注宿小國東平——縣也

又莊十年宋人遷宿 左傳定十年駟赤先如宿 史

記項羽本紀宋義遣其子襄相齊身送之至—— 本書

東平王傳哀帝時——危山土自起覆草如馳道狀一又

云——瓠山石轉立 又王莽傳地王三年——索盧恢

等舉兵反城 水經注汶水自桃鄉四分當其派別之處

謂之四汶口其左二水雙流西南至——縣之郈鄉城南

其一汶西流逕——縣之故城南舊宿國也齊宣后之故

邑所謂——醜女也 後書劉盆子傳注漢——縣故城

在今鄆州須昌縣東 元和志今鄆州郭下東平縣本古  
宿國漢爲——縣地故城在縣東三十六里 史記索隱

——在今鄆州之東 一統志——故城在今泰安府東  
平州東二十里

有郈鄉

左傳昭二十五年臧會奔郈杜注郈在更平——縣東南

春秋定十二年叔孫州仇帥師隨郈 說文東平——

鄉 水經注汶水又西逕郈鄉城南叔孫氏墮郈今其城

無南面 師古曰郈音后 括地志郈亭在鄆相宿城縣

東三十二里 一統志郝城在東平州南四十里

莽曰有鹽亭

卷九十七

三

任城

後漢屬——國 水經注——夏后氏之任國孟子季任

爲任處守是也 後書袁安傳注——今兗州縣也 一

統志——廢縣卽今濟寧州治

故任國太昊後風姓

左傳僖二十一年任宿須句顓臾風姓也實司太——與有

濟之祀杜注四國皆伏羲之後任今——縣也

莽曰延就亭

東平陸

史記趙世家成侯十九年與齊宋會平陸 田齊世家康

公十五年魯敗齊師于平陸 孟子之平陸趙岐注——



齊下邑 應劭曰——古厥國今有厥亭是 續郡國

志——六國時曰平陸 水經注汶水又西南逕——

縣故城北 元和志今鄆州中都縣本魯國邑也定公

以孔子爲中都宰卽此故城在今縣西三十九里一名殷

密城漢以其地爲——縣 一統志——故城在今

兗州府汶上縣北 按——古厥國也李太白任城縣

廳壁記云北走厥國之墟卽此西河郡亦有是縣故此加

東王子侯表孝景元年封楚元王子禮爲平陸侯水經注

據陳留風俗傳以尉氏之陵樹鄉爲故平陸縣遂以爲禮

所封在陳留非也本志陳留無平陸或是王莽所置縣而

東京省之然不可以證漢表也若應劭韋昭以爲西河則

卷九十七

謬甚矣胡梅欄曰東平近楚爲得之

富城

續志作富 水經注泌水又西南逕——縣故城西南流

西注于汶 山東通志漢——城在今東平州東北平陰

界上 按王子侯表武帝元朔三年封濟北貞王龍爲富

侯全謝山以爲卽東平國之——

莽曰成富

章

春秋莊三十年齊降障杜注障紀之附庸國東平無鹽縣

東北有鄆城 春秋釋例劉賈依二傳以爲紀之遺邑計

紀侯去國至此二十七年則邑不得獨存蓋附庸小國若

郟鄏者也 水經注汶水又西南逕東平一縣南按世本  
一任姓之國也故城在無鹽東北五十里 一統志一縣  
故城在今泰安府東平州東六十里舊志云今爲郟城集  
元父

後漢屬任城國 晉音義上古卽反下音甫 吳補注亢

音剛又古浪反 齊策蘇秦曰秦之攻齊也口韓魏之地

過衛陽晉之道徑一一之險 史記項羽本紀項梁自號

爲武信君引兵攻一一 史記集解鄭德曰亢音人相亢

蒼父音甫 水經注黃水又東逕任城郡之一一縣故城

西夏后之任國也 括地志一一故城在今兗州府任城

縣南五十一里 高誘國策注一一在任城縣南 史記

卷九十七

五

索隱亢舊音剛劉伯莊包愷並同音苦浪反 一統志一

一故城在今濟寧州南五十里

詩亭故詩國

陳景雲曰兩詩字俱當作郟 春秋襄十一年取郟杜注

郟小國也任城一一縣有郟亭 說文郟附庸國在東平

一一从邑寺聲 一統志郟亭在今濟寧州東南按春秋

時有兩郟一在今泰安府平陰縣東南左傳襄十八年晉

魏絳以下軍克郟杜注以爲在平陰西者是也與此不同


莽曰順父

樊

後漢屬任城國 括地志漢一縣城在兗州瑕邱縣西南



三十五里 方輿紀要漢一縣城在今濟寧州北或以爲  
卽仲山甫國誤也 一統志一縣故城在今兗州府滋陽  
縣西南 山東通志一城在濟寧州東北滋陽界上今名  
一垞 按功臣侯表孝文元年封蔡兼爲一侯卽此



卷九十七

常熟 吳卓信 編纂

魯國

按漢——今山東兗州府曲阜寧陽鄒泗水滕五縣皆其

地

故秦薛郡

水經注薛郡始皇二十四年置

高后元年爲——

晉書地理志漢改薛郡曰魯 地理志稽疑薛郡高帝所

以封楚王而薛之魯縣魯元公主之食邑當高后時未嘗  
奪楚之邑薛郡以封張偃也張偃之國乃齊所割之城陽

卷九十八

郡故莒國也莒與魯接而公主食邑在魯因稱魯王非能  
全得薛郡之地也楚之薛郡至景帝時削見晁錯傳次年  
景帝始以封其子志言高后元年爲魯國誤也當云故秦  
薛郡楚漢之際屬楚國高帝五年屬漢仍屬楚國景帝二  
年爲——成帝陽朔三年爲郡哀帝建平三年復爲國

屬豫州

地理志稽疑志言——屬豫州謬甚前漢魯屬徐州世祖  
始改屬豫州見續志王厚齋未及正之顧宛溪亦仍其謬

縣六

魯卞汶陽蕃騶薛

魯伯禽所封



史記魯世家武王封周公旦于少昊之墟曲阜是爲一公  
鄭氏詩譜一者少昊之墟也周公歸政成王封其元子  
伯禽於一其封域在禹貢徐州大野蒙羽之間 春秋世  
族譜一姬姓文王子周公旦之後也周公股肱王室成王  
封其子伯禽于曲阜爲一後今一國是也 城冢記伯禽  
墓高四丈四尺去縣七里 水經注泗水又西南流逕一  
縣北分爲二水水側有一城爲二水之分會北爲洙瀆南  
則泗水夫子教于洙泗之間今于城北二水之中卽夫子  
領徒之所也從征記曰洙泗二水交于魯城東北十七里  
又云泗水自一城北南逕城西南合沂水沂水出一城  
東南尼邱山平地發泉逕一縣故城南縣卽阜邱之地也

卷九十八

二

應劭曰一城東有阜委曲長七八里故名曲阜自春秋至  
戰國一世世都之 又云洙水自卞縣與泗水亂流西南  
至一縣東北又分爲二水水側有故城雨水之分會也洙  
水西北流逕孔里北是謂洙泗之間矣 括地志兗州曲  
阜縣外城卽一公伯禽所築古一城也 隋志開皇十六  
年改名曲阜 元和志今兗州曲阜縣本漢一縣春秋時  
一國伯禽所都卽古炎帝之墟也 寰宇通志一城在曲  
阜縣治西二里春秋時一國都其城十有二門今宣聖廟  
及襲封府俱在焉 大清一統志一國故城卽今兗州府  
曲阜縣治周時一國舊都府志云故一城在今曲阜縣城

外周回可十餘里

有鐵官

續志一縣有鐵

卞

春秋僖十七年夫人姜氏會齊侯于卞杜注今魯國一縣

左傳襄二十九年公遷自楚季武子取一告曰聞守一

者將畔臣帥師以討之 尸子子路一之野人 史記魯

世家頃公亡遷于一邑 國語楚申無宇曰魯有弁費韋

昭注弁卽一也 水經注洙水西南流益泉水注之泉出

一城東北一山之陰尸子曰孔子至于勝母暮矣而不宿

于益泉渴矣而不飲惡其名也故論語識曰水名益泉仲

尼不漱卽斯泉矣西北流注于洙水洙水又西南流于一

卷九十八

三

城西而與泗水合 元和志兗州泗水縣本漢一縣之地

卽春秋之虛杙也 寰宇記左傳成十八年仲孫蔑會晉

侯宋公同盟于虛杙杜注闕學者舊傳虛杙卽漢一縣之

地 大清一統志一縣故城在今兗州府泗水縣東五十

里春秋時爲魯一邑一莊子食邑于此府志云城東有一

橋泗水經之

泗水西南至方輿

屬山陽郡

入沛

左傳哀八年齊伐魯次于泗水 國語宣公夏濫于泗淵

海內東經泗水出魯東北而南西南過湖陵西而東南



注東海 水經注泗水出魯國一縣故城東南桃墟墟有  
漏澤方一十五里澤西有隆阜俗謂之媯亭山西北連岡  
四十餘里岡之西際便得泗水之源博物志曰泗水陪尾  
蓋斯阜者矣石穴吐水五泉俱導泉穴各徑尺餘泗水西  
逕其縣故城南又西南流逕魯縣分爲二北爲洙瀆南則  
泗水自城北南逕魯城西南合沂水 元和志泗水出泗  
水縣東陪尾山其源有四二泉俱導因以爲名 禹貢錐  
指泗水自泗水縣歷曲阜滋陽濟寧鄒縣魚臺勝縣沛縣  
徐州邳州宿遷桃源至清河入淮此禹迹也今其故道自  
徐州以南悉爲黃河所占矣 地理今釋泗水出今兗州

府泗水縣東五十里陪尾山四源並發故名西南流至兗

卷九十八

四

州府城東金口壩分爲二派一越壩西南流至濟寧州界  
爲泗河又西南至魯橋入運河一從壩上西流至兗州府  
城西爲府河又西南至濟寧州東合泲水又西南至天井  
闡入運河按史記河渠書叙禹功畢乃云自是之後滎陽  
下引河東南爲鴻溝以通宋鄭陳蔡曹衛與濟汝淮泗會  
汜水爲鴻溝分流禹時未有許慎所云乃周漢以後水  
道不可爲禹時淮泗入河之證也蓋徐州貢道自淮入泗  
自泗入泲入灤以達河當在荷澤以東若荷澤以西泲水  
屢見屢伏與河無相通之理泗水安得達于河耶蔡氏所  
謂泗之上源自泲可以通河者亦未明晰 泗水縣志陪

尾山下有泗水神祠祠前有泉林寺寺之左右皆深林茂

樹有大泉十數渟泚澄澈互相灌輸會而成溪是爲泗水  
南經一城東有橋曰一橋自一橋西至縣城復有大泉數  
十南北交會入于泗水以達曲阜大抵縣境數十里內泉  
如星列皆泗水也 大清一統志泗水源自泗水縣東部  
尾山西流經曲阜北八里又西南流經滋陽縣東五里轉  
南流與曲阜縣之沂水合入金口閘又南流經鄒縣西南  
五十里又南至濟寧州會洸水由天井閘入運河凡二百  
二十里 皇朝通志泗水源自泗水縣東西流經縣城北  
折西南至曲阜縣東北有嶮河來會又西南至兗州府東  
北分二支一穿府城至濟寧州入運河一經城東有雩河  
出尼山下經曲阜縣城來會西南流有白馬河自鄒縣來  
會又西南入于運河 水道提綱泗水源自泗水縣東陪  
尾山數源並發俱西流合經泉林寺北又西經縣城北折  
而西南至曲阜縣東北西經孔林北曲阜城西北又西南  
至兗州府城東北又經城東而南又西南流百餘里至棗  
林北入運河

過郡三行百里

按當過魯國山陽二郡三字疑誤

青州川

夏官職方青州其川淮泗

汶陽

左傳僖二年公賜季友一一之田杜注一一田汶水北地



又成二年齊人歸我——之田 水經注汶水又西南  
逕魯國——縣北又西逕——縣故城北 又云蛇水出  
岡縣東北泰山西流逕——之田齊所侵也自汶之北平  
暢極目 師古曰汶音問 後書王梁傳作文陽注云文  
音汶故城在今兗州泗水縣南 元和志——故城在龔  
邱縣東北五十四里其城側土田沃饒所謂——之田也  
方輿紀要——城在今曲阜縣東北四十里杜佑謂在  
泗水縣東南者誤 山東通志——城在今寧陽縣東北  
五十四里卽魯之——田也 大清一統志——故城在  
今兗州府寧陽縣東北

莽曰汶亭

卷九十八

六

蕃

應劭曰小邾邑也音皮 水經注潯水又西南逕——縣故  
城南 師古曰白褒云陳蕃之子爲魯相國人爲其父諱  
改曰皮此說非也郡縣之石土俗各有別稱不必皆依本  
字 後書光武紀注——縣故城在今徐州滕縣 又劉永  
傳注——音皮又音婆 隋志彭城郡滕縣舊曰——開皇十  
六年改 通典今徐州滕縣古小邾國漢——縣又邾國之  
濫邑也故城在今縣東南卽漢昌慮縣也 元和志今徐  
州滕縣本古滕國漢——縣也屬魯國古滕城在縣西南十  
四里 集韻上平聲五支部——縣名在魯 肇域紀滕縣  
東南一里有——城漢縣也 大清一統志——縣故城卽今

兗州府滕縣治滕國故城在縣西南十四里 地理志稽  
疑師古所辨魯人爲陳蕃避諱之說善矣然未知蕃之本  
無皮音也胡梅磻曰據通典則一乃音反然則皮字乃反  
字之譌非真有皮音也斯言足以掃除燕說 漢書考異  
古人讀皮如婆詩番維司徒古今人表作司徒皮左氏牛  
則有皮與多那韻縱其有皮與何韻是其證也旣夕禮設  
披今文披爲藩蓋蕃藩皆有婆音

南梁水西至胡陵

屬山陽郡

入沛渠

戰國策南梁之難韓氏請救于齊田侯高誘注南梁韓邑

卷九十八

七

大梁在北故曰南梁鮑彪注魯國一縣有南梁水 水經

注泗水又左會南梁水水出一縣東北平澤出泉若輪焉

發源成川西南流分爲二水北水枝出西逕一縣北又西

逕滕縣北俗以爲南隣于溇亦謂之西溇水又屈逕城南

地理志曰西流注于濟渠濟在湖陸西而左注泗泗濟合

流互受通稱經無南梁之名而有涓涓之號疑卽是水也

齊乘南梁水出滕縣荆溝村西南流至滕州東門外折

而過城北又西入山陽湖由湖南出注于泗 明統志梁

水源發滕縣東一十五里西南流入徐州沛縣界 大清

一統志南梁水在滕縣北十五里源出趵突荆溝二泉合

而爲一西會溇水入運河 又云按南梁河舊本與溇水



合而入徐州沛縣界自明嘉靖間運河東徙又過濼水導之北出趙溝與南梁會而同入于漕齊乘明統志所言與今河流皆不合矣

騶故邾國曹姓二十九世爲楚所滅

史記楚世家陸終氏生子六人五曰曹姓索隱曰世本云五曰安是爲曹姓曹姓者邾是也宋忠曰安名也曹姓諸曹所生 春秋世族譜邾曹姓顓頊之後有陸終產六子其五子曰安邾卽安之後也周武王封其苗裔邾挾爲附庸居邾今魯國鄒縣是 說文鄒魯縣古邾國帝顓頊之後所封 杜預左傳注邾今魯國鄒縣也 元和志今兗州鄒縣本漢一縣地故邾國魯之附庸魯穆公改邾爲鄒

卷九十八

八

因鄒山以爲名也 寰宇記古邾城無濠塹在今曲阜縣

東北四十里魯之附庸國左傳云魯擊柝聞于邾言近也邾人于此築小城以脩魯故名邾城 又云鄒城卽叔梁

紇所治之邑漢爲縣 齊乘趙臺卿謂邾至孟子特魯穆

公改爲鄒此說非也控戴侗六書故云邾鄒同聲實一地

春秋時邾用夷禮故謂之邾婁婁有二音合閭音爲邾合樓音爲鄒此本邾國後爲楚宣王所滅遷之江夏故黃州

黃岡縣有邾城古鄒國則別見濟南此縣兩漢屬魯國

山東考古錄漢以鄒名縣者五魯國有騶亦作鄒膠東國有鄒盧千乘郡有東鄒與濟南之鄒平梁鄒凡五其單稱

鄒者今兗州府之鄒縣也 大清一統志邾國故城在今

兗州府鄒縣東南二十六里 十七史商權鄒魯縣古邾國从邑芻聲史記孟子邾人又有邾忌駟衍駟奭古字通段氏說文注二志作一許作鄒者蓋許本作魯一縣如今汝南新息南陽穰縣之北淺者刪去一字耳周時或云鄒或云邾婁者語言緩急之殊也周時作鄒漢時作一者古今字之異也邾婁各本無婁字當依韻會補之左穀作邾公羊檀弓作婁婁如字邾又夷也邾婁之合聲爲鄒夷語也國語孟子作鄒三者鄒爲正邾則省文故邾篆下不言春秋邾國此必依公羊作邾婁國也漢時縣名作一如韓敕碑陰一韋仲卿足證

嶧山在北

卷九十八

九

詩魯頌保有鳧繹 左傳文十三年邾文公遷于繹杜注繹邾邑鄒縣北有繹山正義邾都本在鄒縣鄒縣北有繹山徙都于彼山旁 史記始皇本紀二十八年東行郡縣上鄒嶧山立石頌德韋昭曰鄒魯縣嶧山在北 郭璞爾雅注繹山純石積構連屬如繹絲然故以繹名 水經注灑水又逕魯國鄒山東南而西南流左傳所謂嶧山也邾文公之所遷今城在鄒山之陽依巖阻以墉固京相璠曰嶧山在鄒縣北繹邑之所依以爲名也山東西二十里高秀獨出積石相臨殆無土壤石間多孔穴洞達相通有如數間屋者俗謂之嶧孔避亂者入之外寇雖衆無所施害

括地志嶧山一名鄒山在鄒縣南二十二里北去黃河



三百餘里 劉蒼鄒山記鄒山古之嶧山也山下是鄒縣  
本是邾國魯穆公改爲鄒山從邑變故曰鄒山 胡三省  
通鑑注漢志魯國一縣嶧山在北括地志嶧山在鄒縣南  
蓋縣有遷徙故漢時在縣北唐時在縣南也 大清一統  
志鄒嶧山在今鄒縣東南二十里本名嶧山亦曰邾嶧山  
縣志云爲別乎邳之葛嶧山也周回二十餘里自麓至頂  
計八里許 又云按鄒山卽嶧山古無鄒山之名魯頌止  
稱嶧史記始兼稱鄒嶧蓋以地冠山鄒山記所謂山從邑  
變是也漢志則仍稱嶧山自劉昭注郡國志及魏收志始  
分鄒與嶧爲二考始皇所勒石者鄒嶧而宋書載魏主燾  
登鄒山仆秦皇碑可知鄒與嶧互稱分爲二者誤 按通

卷九十八

十

鑑李孝伯曰鄒嶧之險君家所憑前鋒始接崔邪利遽藏  
入穴注之鄒山多石穴土人謂穴爲嶧相率入保藏以避  
兵此亦言嶧山卽鄒山也知劉昭魏收之說不足據矣

莽曰騶亭

嶧

春秋隱十一年滕侯薛侯來朝杜注一魯國一縣 史記  
孟嘗君傳封于一 續郡國志一六國時曰徐州 水經  
注潯水又西逕一縣故城北 括地志古一城古一侯國  
也在徐州滕縣界 後書蓋延傳注一縣故城在今徐州  
滕縣東南 史記正義一故城在滕縣東南四十四里  
大清一統志一縣故城在今兗州府滕縣東南四十四里

又云按一城春秋以後別名舒州史記皆作徐州實卽一城固非禹貢之徐州亦非漢晉以來之彭城也近志以爲卽今徐州因引入彭城誤矣 日知錄史記齊世家田常執簡公于徐州田齊世家宣王九年與魏襄王會徐州十年楚圍我徐州魏世家襄王元年與諸侯會徐州楚世家威王七年伐徐敗之于徐州越世家句踐北渡淮與齊魯諸侯會于徐州魯世家頃公十九年楚伐我取徐州按後漢志一本國六國時曰徐州今滕縣南有大城田文所築也與楚魏二國爲境而威王曰吾吏有黔夫者使守徐州則燕人祭北門趙人祭西門徙而從者七十餘家蓋與梁惠王言不欲斥魏更燕趙夸之耳索隱曰說文邾邾之

卷九十八

七

下邑在魯東又紀年云梁惠王三十一年下邳遷于一故名曰徐州則徐與邾並音舒也今讀爲禹貢徐州之徐者誤齊世家田齊執簡公于徐州春秋正作舒州 何焯曰徐音舒左傳正作舒史記索隱齊世家下注云其字從人說文作邾則今與九州之徐同一字者乃傳寫誤也 顧棟高曰左傳哀十四年陳桓執公于舒州史記作徐州今兗州府滕縣東南一城是本一地爲齊陳氏邑按春秋末一尙存當時齊侵其近交之地別置舒州以封陳氏耳 江永曰徐與舒古音雖相通然此舒州非一城之徐州也當時滕薛未亡陳恒安得置其君于此史記正義云徐州齊之西北界上地名在勃海郡東平舒縣此說最是東平



舒在今順天府大城縣界此齊之極北與燕界者也齊之履北至無棣與東平舒並屬勃海郡則齊之北境可東至舒矣又史記齊威王曰吾臣有黔夫者使守徐州則燕人祭北門趙人祭西門此徐州亦音舒州正是東平舒接燕而近趙之地故燕趙畏之而祭門若黔夫守一城之徐州則去燕趙甚遠燕趙何爲而祭門此事理之尤明者是時陳恒將弑君故置諸極遠之界而幽之胡三省注通鑑旣不能考證顧炎武又強解祭門事皆誤也 桂馥札樸左傳昭元年周有徐奄杜注徐卽淮夷服注魯公所伐徐戎也按說文魯東有郟城又云周所誅郟國在魯郟郟並在魯境成公誅郟魯公滅郟郟卽服氏所謂徐戎 按舒州之卽徐州徐州之卽一實無可疑而江氏之說甚辨存之以俟再考

卷九十八

三

夏車正奚仲所國後遷于邳湯相仲虺居之

左傳定元年薛宰曰一之皇祖奚仲居一爲夏車正遷于

邳仲虺居一爲湯左相 春秋世族譜一任姓黃帝之苗

裔奚仲封爲一侯今魯國一縣是也後遷于邳仲虺居一

爲湯左相武王復以其胄爲一侯齊桓霸諸侯斥爲伯

說文邳奚仲之後湯左相仲虺所封國在魯一縣 太康

三年地記奚仲遷于邳後仲虺居之爲湯左相當周爵稱

侯後見侵削霸者所紂爲伯任姓也 水經注泗水又南

遷一之上邳城西奚仲自一遷于邳則下邳也有下故此

爲上矣 又云潞水又西逕仲虺城北城在城西三十里 史記索隱一奚仲之後任姓蓋夏殷所封故春秋有滕侯薛侯 葉陽徐州記奚公山在一縣卽奚仲造車處山上軌轍見存 齊乘一任姓顓頊少子陽封于任十二世孫奚仲爲夏車正禹封爲一侯遷于邳至孫仲虺爲湯左相復居一六十四世至愍侯洪爲齊所滅齊封靖郭君田嬰于此 春秋傳說彙纂今兗州府滕縣南有奚公山山下有奚邑水經注云卽夏車正奚仲之國 山東通志奚公山在今滕縣南六十里山西爲一城夏車正奚仲所封國也 按王子侯表高后二年封楚元王子郢客爲上邳侯疑漢初上邳與邳二名並稱後并之耳



漢書地理志補注卷九十九

常熟 吳卓信 編纂

楚國

地理志稽疑一郡秦始皇二十四年置前志續志晉志皆闕胡梅磻氏三十六郡無一郡蓋滅一時所暫置後分爲九江鄣會稽三郡謬矣始皇二十四年置一郡見一世家次年置會稽郡見秦本紀蓋錯舉而不備其實秦滅一置五郡曰一曰九江曰泗水曰薛曰東海及定江南又置一郡曰會稽而無鄣郡也一郡蓋自淮陽以至彭城泗水則沛也薛則魯也東海則郟以至江都也皆江北也會稽則江南也惟九江跨江介惟言由一郡分置爲三胡梅磻欲

卷九十九

一

護三志之失而爲此語何哉 漢書考異通鑑秦始皇二十四年虜楚王負芻以其地置一郡胡注云秦三十六郡無一郡此蓋滅楚之時暫置後分爲九江鄣會稽三郡子按史記一世家有滅一名爲楚郡之文故遙鑑從之其實秦未嘗置楚郡也秦始皇父名楚當時稱楚爲荆豈有轉以名郡之理孫檢云滅去楚名以楚地爲三郡其說是也史記楚郡之楚蓋衍字後人因此謂三十六郡之外有楚郡固謬胡氏以爲暫置而後分亦非也 秦漢郡縣考胡

三省云秦置楚郡班志不見按史記楚世家王負芻五年秦將王翦蒙武楚國虜負芻滅楚名爲楚郡云胡氏說本此始皇本紀三十三年復召王翦強起之使將擊荆正

義云秦號楚爲荆以莊襄王名子楚諱之也楚世家所謂滅楚名如此秦諱楚滅去楚名其不更取楚名郡審矣史記注引孫檢云秦虜楚王負芻滅去楚名以楚地爲三郡據此則楚郡乃三郡之譌胡氏沿譌生訓耳按漢一今江蘇徐州府之銅山沛二縣及邳州又安徽鳳陽府之宿州又山東兗州府嶧縣皆其地

### 高帝置

異姓諸侯王表五年卽皇帝位徙齊王韓信爲楚王

宣帝地節元年更爲彭城郡黃龍元年復故

諸侯王表高帝六年立第元王文孝景三年孫戊以反誅復立元王子禮宣帝地節元年禮卒孫延壽復以反誅國

### 卷九十九

二

除爲彭城郡甘露四年徙子定陶王囂

莽曰和樂屬徐州縣七

彭城留梧傳陽呂武原留邱

彭城古彭祖國

春秋成十八年楚子伐宋宋魚石復入于——杜注——

宋邑今——縣鄭語史伯曰大彭爲商伯矣韋注大彭

陸終第三子曰饒爲彭姓封于大彭謂之彭祖今——

是也史記始皇紀二十八年還過——欲出周鼎泗水

正義曰——徐州所理縣也州東外城卽古之彭國又

韓世家文侯二年伐宋到——執宋君又楚世家陸終

氏生子六人三曰彭祖殷之時彭祖氏嘗爲侯伯殷之末



世始滅之 本書高帝紀項羽自立爲西楚霸王梁楚

地九郡都——又五行志文帝五年楚王都——大風

從東南來毀市門殺人 又龔勝傳居——廉里 世本

堯封彭祖于——彭祖卽陸終氏第三子錢鏗號爲大彭

氏 輿地志大彭卽彭祖所謂商有大彭者也事堯舜夏

商八百歲封于——水經濟水又東過——縣北睢水

從西來注之注云濟水又南逕——縣之故城東北遇不

東過也睢水自西注之城北枕水湄濟水又南逕——縣

故城東不逕其縣北也 又云泗水又東南過——縣東

北注云又逕龔勝墓南亞父冢東 又云獲水又東至——

縣北東入于泗注云獲水于——西南迴而北流逕——

卷九十九

——又東轉逕城北而東注泗城卽殷大夫老彭之國也城

下有彭祖冢彭祖長年八百綿壽永世于此有冢蓋亦予

極之化矣縣于春秋爲宋地楚伐宋并之以封魚石崔季

珪述初賦曰想黃公于邳圯勤魚石于——卽是縣也

括地志——古彭祖國外傳云殷末滅彭祖國也 通典

今徐州所理——縣古大彭氏國有候水一名汴水自蕭

縣界來 史記索隱彭祖者今——是虞翻云名翦爲彭

姓封于大彭 大清一統志——故城卽今徐州府治彭

祖并在銅山縣西北隅彭祖舊宅彭祖冢並在銅山縣東

北

有鐵官

續志——縣有鐵三唐書地理志——有秋邱冶 寰宇  
記徐州有利國監本秋邱冶務烹鐵之所 九或志利國  
監在徐州北東北七十里 地理通釋蘇文忠公謂徐州  
東北七十餘里卽利國監自古爲鐵官凡三十六冶冶戶  
皆大家嘗爲盜賊所窺卽漢——鐵官也 宋史地理志  
——利國監主鐵冶 方輿紀要盤馬山在徐州東北九  
十里山產鐵漢置鐵官宋時置利國監于山下其陽有運  
鐵河

留

左傳襄元年楚子辛救鄭侵宋呂——杜注呂——二縣今屬  
彭城 史記曹相國世家定——韋昭曰——今屬彭城 又

卷九十九

四

留侯世家漢六年封功臣良曰臣始起下邳與上會——臣  
願封——足矣乃封良爲——侯 水經濟水又東南過——縣  
北注云——縣故城翼佩泗濟故繁休伯避地賦曰朝余發  
乎泗洲夕余宿于——鄉者也張良委身漢祖始自此矣

又云泗水又逕——縣而南逕垞城東又南逕宋大夫桓魋  
冢舊山枕泗水西上盡石鑿而爲冢今人謂之石榔者也

地志故——城在今徐州沛縣東南五十五里卽張良  
所封處也 九域志徐州沛縣有——城鎮 大清一統志

——縣故城在今徐州府沛縣東南 按西征記云——城中

有張良廟蓋張良封——卽此傳亮爲劉裕修廟敎云塗次  
舊沛佇駕——城卽謂沛縣之——城也或以陳留爲子房封



處廟貌巍然其實非是

梧

新校地理志或云一卽郃非也郃今兗州府泗水縣地太遠按功臣侯表高后元年封陽城延爲一侯索隱曰一縣名屬彭城蓋卽此也

莽曰吾治

傅陽故偃陽國

春秋襄十年會吳于柤遂滅偃陽杜注偃陽妘姓國今彭城一縣也水經注沐水故瀆自下堰東南逕司吾城東又東南歷柤口城中柤水出于楚之柤地東南流逕偃陽縣故城東北又西南亂流于沂而注于沐謂之柤口城

卷九十九

五

東南至朐縣入游注海也

後書陶謙傳注一一本春秋

時一一也楚宣王滅宋改曰一一故城在今沂水承縣南

齊乘偃陽古妘姓之國祝融之孫陸終第四子求言封

于偃陽後爲晉所滅今嶧州南五十里有偃陽城漢爲一一縣大清一統志故偃陽國在今兗州府嶧陽縣五十

里按一一春秋作偃陽釋文云偃音福古今人表正作

福陽知古音福舊從彼力反者非矣而穀梁及本志續志

並作一一考古福字亦讀作副豫州從事尹宙碑云位不

福德是也傅本音敷字今亦讀作副蓋古人字與聲皆通

用也又按王子侯表博陽侯就齊孝王子注曰濟南據

志濟南無博陽縣索隱曰汝南則太遠惟水經注以爲楚

之一一其說近似則俗本誤傳爲博也又史記高祖功臣侯表博陽侯周聚索隱曰屬彭城按彭城卽楚國本志楚國有一縣此博陽必一一之譌也且同時有博陽侯陳導不應同名小司馬注史記時尚未誤後來轉刻譌爲博耳

呂

左傳襄元年楚子辛侵宋一留 本書五行志景帝三年有白頸烏與黑頸烏羣鬪楚國一縣 高誘淮南子注呂梁在彭城一縣水經泗水又東南過一縣南注云一宋邑也縣對泗水水上有石梁故曰一梁昔宋景公彎弧東射矢集彭城之東飲羽于石梁卽此懸濤瀚濟實爲泗險孔

卷九十九

六

子所謂懸水三千仞流沫九十里今則不能也 元和志

呂梁故城在徐州彭城縣東五十七里卽古一縣也城臨

泗水高一百四十尺周回十七里蓋泗水至一縣積石爲

城故曰一梁 隋書地理志彭城有一梁山 寰宇記呂

梁在今彭城縣東南五十七里 九域志彭城縣有一梁

洪鎮 方輿紀要一梁洪在徐州東南六十里有上下二

洪相距凡七里巨石齒列波流洶湧 禹貢雖指列子有

一梁爲孔子所觀者酈道元謂在一縣泗水之上今徐州

東南五十里呂梁山是也其下卽古泗水金元以後爲黃

河所奪而泗彈爲河禹河未嘗經此傳同叔以此爲禹鑿

之一梁謬極矣 大清一統志一縣故城在今徐州府銅



山縣北呂梁洪在縣東南五十里 按恩澤侯表有一成侯呂忿卽此

武原

水經注——水出彭城——縣西北會注陂南逕其城西  
又南合武水謂之泐水又南至下邳入泗謂之——水口  
後書蘇章傳注——故城在今泗州下邳縣北 大清  
一統志——故城在今徐州府邳州西北舊志云在州西  
北八十里泐口社亦名良城 按王子侯表藺侯罷軍代  
共王子更封——侯又功臣侯表——靖侯衛胙高帝八  
年封並卽此

莽曰和樂亭

卷九十九

七

留邱

續志作留邱 水經注睢水又東與淝湖水合湖水上承  
——縣之淝陂西屈——縣故城東自陂南系于睢水  
大清一統志——廢縣在今鳳陽府宿州東北六十里

常熟 吳卓信 編纂

泗水國

方輿紀要今南直宿遷縣東北是其地 按漢——今江蘇徐州府之宿遷縣淮安府之桃源縣暨海州州治皆其地

故東海郡

水經注秦始皇二十四年置東海郡

武帝元鼎四年別為泗水國

按泗水故屬秦東海郡高帝因之屬楚國景帝二年復故

武帝元鼎四年別為——以封常山憲王子商但志作

卷一百

四年而表作二年水經注又作三年據史記將相名臣年

表商實以四年封則志是也

莽曰水順

水經注作順水

縣三

凌泗陽于

凌

說文凌水在臨淮从水夔聲 應劭曰——水所出南入淮

水經注淮水左逕泗水國南——水注之水出——縣東流

逕其縣故城東而東南流注于淮是曰——口即經所謂有

小水流注者也 又云泗水又東逕——柵南西征記曰舊



一縣之治也 寰宇記一縣故城在今宿遷縣東南五十里 大清一統志一縣故城在今徐州府宿遷縣東南五十里 按史記陳涉世家有陵人秦嘉自立爲太司馬陵卽一也古字通用

莽曰生凌

泗陽

水經注泗水又東南逕魏陽城北城枕水陸機行思賦曰行魏陽之枉渚故無魏陽疑卽一一縣故城也蓋魏文帝幸廣陵所由或因變之未詳也又東逕角城北而東南流注于淮考諸地說或言泗水于睢陵入淮亦云于下相入淮皆非實錄也 寰宇記一一故城在今宿遷縣東南八

卷一百

二

十里 大清一統志一一故城在今淮安府桃源縣東

莽曰淮平亭

于

寰宇通志一縣在淮安府海州西

莽曰于屏

常熟 吳卓信 編纂

廣陵國

地理志稽疑東陽郡楚漢之間分東海所置漢之——也  
見高紀以封荆王 水經注曰景帝更名江都然則——  
本東陽而臨淮又——所分文潁曰東陽今下邳則直指  
臨淮矣非也 秦漢郡國考楚漢之際諸侯或私置郡例  
皆不著如——楚漢間為東陽郡志但言高帝時屬荆吳  
不云故東陽郡是也 按漢——今江蘇揚州府之江  
都寶應二縣及高郵州皆其地

高帝六年屬荆

卷一百一

一

舊衍州字今刪 漢書考異屬荊州州字衍高帝六年封  
劉賈為荆王兼有廣陵之地故云屬荆其時未設諸州刺  
史不得言荊州也

十一年更屬吳

按表作十二年

景帝四年更名江都武帝元狩三年更名廣陵

地理志稽疑廣陵故屬秦東海郡楚漢之際置東陽郡屬  
楚國高帝五年屬漢仍屬楚國六年為荆國十一年為吳  
國景帝三年為郡四年更為江都國武帝元狩二年為廣  
陵郡六年復為國宣帝五鳳四年為郡元帝初元二年復  
為國平帝元始二年分——為廣世國以封江都易王



後廣世不知其地

莽曰江平屬徐州

潛邱劄記地志——云屬徐州而武帝賜廣陵王策云  
古人有言曰大江之南五湖之間其人輕心揚州保疆三  
代要服不及以正却又以廣陵爲揚州意者策文所引乃  
古人成語而今王之制則屬徐州耳

有鐵官縣四

廣陵江都高郵平安

廣陵

史記六國表楚懷王十年城——又始皇紀二世二年  
——人召平爲陳王狗——王逸——郡圖經郡城吳

卷一百一

二

王濞所築 續志劉昭注補——吳王濞所都城周十四  
里有半 隋志江都郡江陽縣舊曰——大業初更名

元和志——在今揚州江都縣北四里 通典今揚州所

理江都縣秦廣陵縣 寰宇記天長軍天長縣本漢——

縣也唐開元中以延辰爲千秋節乃于下阿村置千秋縣

天寶七年改爲天長縣 大清一統志——故城在今揚

州府東北 地理志稽疑按王子侯表武帝元朔四年封

城陽共王子襄爲——侯此或如河內之別有山陽臨淮

之別有廣平漢中之別有武陵未必是邦上也否則與王

國之名相重矣山陰有鄉曰——

江都易王非廣陵厲王胥皆都此

金榜曰按武帝元狩二年江都王建謀反自殺國除地入于漢爲——郡此置——郡之始六年封厲王胥王——雖并有鄣郡然元封二年已更鄣郡爲丹陽不屬——此——郡別爲國之始也——楚漢之間爲東陽郡兼有——臨淮二郡地武帝封厲王胥王——是年始分其地置臨淮郡王子侯表封江都易王子蒙之盱眙侯定國淮陵侯此用主父偃之言令諸侯自裂地分封子弟其地皆隸臨淮可互證也徐廣云荆在劉賈都吳吳王濞移廣陵劉昭郡國志注云——濞所都按吳王濞傳云削吳會稽鄣郡明濞不都吳易王非傳云徙王江都治吳故國名吳國故都——志但云江都易王非——厲王胥皆都此者爲下並有鄣郡而不得吳立文耳

卷一百一

三

并得鄣郡而不得吳

錢坫曰言二王所封時尙有鄣郡也

莽曰安定

水經注作定安

江都

水經注中瀆水首受江于廣陵郡之——縣縣城臨江地理風俗記曰縣有一都之會故曰——也 元和志——

故城在今揚州——縣西南四十六里城臨江水今爲水

所浸無復餘址 寰宇記景帝置——國遂因國以建縣

大清一統志——故城在今揚州府——縣西南又儀



徵縣亦一一縣地

有江水祠

本書郊祀志宣帝神爵元年定制祀江于一一水經注

一一縣有江水祠俗謂之伍相廟也子胥但配食耳歲三

祭與五岳同 史記索隱江出岷山山上有江水廟而一

一又有江水祠蓋漢初祀之于源後又祀之于委也 大

清一統志江海神祠在今通州狼山上歲以七月十九日

致祭 按漢初因秦置祀江于蜀至宣帝乃改祀之耳

渠水首受江北至射陽

屬臨淮郡

入湖

卷一百一

四

左傳哀九年吳城邗溝通江淮杜注于邗江築城穿溝東

北通射陽西北至末口入淮通潁道也今廣陵邗江是

吳越春秋吳將伐齊自廣陵掘江通淮亦曰渠水 水經

注中瀆水首受汀于一一縣舊注水道也昔吳將伐齊自

廣陵城東南築升城城下掘深溝謂之韓江亦曰邗溟溝

自江東北通射陽湖地理志所謂渠水也西北至末口入

淮 元和志合瀆渠在今一一縣東二里本吳掘邗溝以

通江淮之水路也夫差自廣陵城東南築邗城下掘深溝

謂之邗江亦曰邗溝自江東北通射陽湖 今水經邗溝

自大江至揚子鎮南爲伊婁河又自大江由儀真縣南爲

獅子河東北流經揚州城東南北通射陽湖爲邗溝入淮

方輿紀要官河在揚州府東南二里古邗溝也卽春秋時吳通江淮之處亦曰合瀆渠今爲漕河蓋江南之漕廣陵當其咽喉上江來者至自儀真下江來者至自瓜洲胥會于揚子橋東北行過府城凡六十里而入邵伯湖又北行六十里而入高郵界又北四十里至界首入寶應湖又北至黃浦接淮安界爲山陽瀆由江達淮三百餘里漕河隄在焉 四書釋地杜氏注左傳明謂于邗江築城穿溝東北通射陽湖西北至末口入淮乃引江達淮與孟子非淮入江者不合直至隋文帝開皇七年開山陽瀆煬帝大業元年開邗溝皆自山陽至揚子入江水流與前相反蓋孟子後九百餘歲其言始驗 禹貢雖指漢志——渠水

卷一百一

五

首受江北至射陽入湖水經注中瀆水首受江自廣陵至山陽入淮是其水乃自南入北非自北入南也且以邗溝旣開言之孟子言淮注江亦誤然班固言渠水入湖而不言入淮頗有分寸水經乃云淮水過淮陰縣北中瀆水出白馬湖東北注之酈元遂以爲此水直至山陽口入淮而其說牢不可破矣竊疑高郵寶應地勢最卑若斧底然邗溝首受江水東北流至射陽湖而止杜預云自射陽西北至末口入淮此不過由江達淮之糧道耳路可通淮而水不入淮也水經殆不如地志之確 地理今釋禹時江淮本不相通自春秋時吳伐齊于廣陵城東南作邗城城下掘深溝謂之邗江東北通射陽湖而北至末口入淮此溝



通江淮之故道也至晉永和中江都水斷乃于歐陽埭引江至廣陵城而北出白馬湖合中瀆入淮謂之三陽瀆隋時又開廣之以通戰艦明初陳瑄循故瀆開新運河以通漕此卽今之運道也 淮安府志運河故山陽瀆隋開皇六年鑿然吳于城刊溝出于末口卽新城北辰坊之北閘也三國時以無運而塞隋因平陳而廣之五代亦以不運而堙周以平南唐而濬之元以兵阻而廢明洪永間以漕運而復之時已築新城則又倣宋轉運使喬維岳之制自郡城西北逶迤轉于西南建閘通清河口皆平江伯陳瑄之力也 按今揚州府運河卽古邗溝也舊曰官河爲江浙糧運入河之口起揚州府城東南二里歷邵伯高郵寶應諸湖北至黃浦接淮安府界爲山陽瀆其合淮處曰末口在淮安府北五里自江達淮南北長二百餘里射陽湖在淮安府東南七十里長三百里故時刊溝由此入淮後人于此立堰曰北神堰今漕運皆由淮安西而城東入淮之故道廢北神堰不復治而射陽湖亦僅成帶水矣

高郵

晉書音義郵音尤 通典今揚州一縣本漢舊縣 寰

宇記一一軍一一縣本漢舊縣是秦之一一亭因以立名

九域志一一縣在揚州西北一百里 輿地紀勝一一

一置郵傳爲一一亭漢爲一一縣地形四隅皆低城基獨

高狀如覆孟故亦名孟城 大清一統志一一廢縣卽今

揚州府——治州——湖一名新開湖在西北三里長湖  
一百五十里天長以東之水皆會此湖達于運

平安

元和志今揚州安宜縣本漢——縣上元三年於縣得定  
國寶因改曰寶應 寰宇記寶應縣有安宜溪古安宜縣  
因此而名 輿地廣記安宜縣本漢——縣唐上元三年  
以獲定國寶十三枚因改元寶應兼改縣焉 江南通志  
按通典舊唐志並云安宜縣本漢——縣地考二漢志並  
有——縣屬廣陵郡晉宋志無之隋志安宜縣亦不言何  
時立輿地志云後漢改爲安宜縣漢晉志亦無此縣也宋  
志有陽平郡而無安宜縣南齊志陽平郡有安宜縣而魏  
書志又無之廢置不常不可考矣 大清一統志——故  
城在今揚州府寶應縣西南

莽曰杜鄉

卷一百一

七



常熟 吳卓信 編纂

六安國

後書成武侯傳注六安卽今廬州也 又桓譚傳注一一

郡故城在今壽州安豐縣南 方輿紀要一一一今廬州

府西境至壽州南境是其地 地理志稽疑按吳芮雖以

衡山爲國而都邾九江王英布實都于六則六安蓋割九

江衡山之地以成封域者也 按漢一一一今安徽潁州

府之霍邱縣暨六安州治 又河南光州之固始縣皆

其地

故楚

卷一百二

故屬秦九江郡

高帝元年別爲衡山國

立番君吳芮

五年屬淮南

王英布布亡屬鴈長王

文帝十六年復爲衡山

立淮南厲王子勃後徙廬江王賜

武帝元狩二年別爲一一一

紀作三年立膠東康王子共王慶

莽曰安風縣五

六蓼安豐安風陽泉

六故國皐繇後偃姓爲楚所滅

帝王世紀皐陶生于曲阜曲阜偃地故賜姓曰偃 春秋文五年楚人滅一杜注一國今廬江一縣 史記項羽紀

當陽君黥布爲楚將常冠軍故立布爲九江王都一 又

云羽大司馬周殷畔楚以舒屠一 蘇林曰一今爲一安

也 皇覽皐陶冢在廬江一縣 水經泚水東北過一縣

東注云泚水又西北逕一安縣故城西縣故咎陶國也今

縣都陂中有大冢民傳曰公棐者卽皐陶冢也楚人謂冢

爲棐矣 括地志故一城在壽州安豐縣南一百三十二

里咎繇墓在一縣東黥布卽咎陶之後 大清一統志一

縣故城在今一安州北寰宇記謂在廬州舒城縣東南六

卷一百二

二

十里恐誤或僑置非故縣也

如谿水首受泚東北至壽春

屬九江郡

入芍

水經注泚水過一縣東又西北分爲二水芍陂出焉 師

古曰泚音比又音鄙芍音鵠

蓼故國皐後爲楚所滅

左傳文五年楚公子燮滅一杜注一國今安豐一縣 史

記楚世家成王二十六年滅英徐廣曰年表及他本皆作

英一作黃正義曰英國在淮南蓋一國也不知何時改名

說文鄧地名臣錯疑此爲春秋一國字 太康三年地



記一國先在南陽故縣今豫州鄆縣界故胡城是後徙于此  
水經注决水自安豐縣西北流逕一縣故城東又逕  
其北漢高帝六年封孔藜爲侯國者也又西北灌水注之  
又云一縣西有一邑卽咎陶之封邑也 後書竇融傳  
注一音了在今安豐 元和志今光始固始縣本漢封一  
侯一地春秋時一國楚滅之今縣城是也 胡三省通鑑  
注一侯孔臧史炤釋文音六按左傳楚滅一經典釋文音  
了未嘗有六音史炤誤也 寰宇通志一國城在鳳陽府  
壽州安豐鄉 方輿紀要一縣城在壽州霍邱縣西北  
大清一統志一縣故城在今光州固始縣東北縣志云今  
有一城岡在縣東北七十里

卷一百二

三

安豐

晉書地道記一一縣屬一一郡俗名之曰安城 水經注  
淮水又東過廬江一一縣東北决水從北來注之注云决  
水自舒蓼北注不于北來也一一東北注淮者窮水矣又  
非决水皆誤耳 又云决水又北過一一縣東又北入于  
淮注云縣故城今邊城郡治也北入于淮俗謂之决口非  
也斯决灌之口矣 水經注泚水逕六安縣故城西又西  
北分爲二水芍陂出焉又西北逕一一縣故城西又北入  
于淮謂之泚口 後書竇融傳注一一今壽州縣也故城

在今霍山縣西北 通典今壽州安豐縣春秋時六國漢  
舊縣也 方輿紀要一一城在今壽州西南六十里去霍

邱縣九十里春秋時六國地 大清一統志——故城在  
今江南潁州府霍邱縣西南河南光州固始縣東

禹貢大別山在西南

集韻大喇山石通作別 禹貢導山內方至于大別 又

導水過三澨至于大別 左傳定四年吳伐楚自豫州章

與楚夾漢子常濟漢而陳自小別至于大別杜注在江夏

界不知何處或曰在——縣西南據傳吳既與楚夾漢然

後楚乃濟漢而陳自小別至于大別然則二別近漢之名

無緣得在—— 水經注京相璠曰大別漢東山名在——

——縣南杜預釋曰二別近漢之名無緣乃在——也按地

說言漢水東行觸大別之陂南與江合則與尚書杜預相

卷一百二

四

符但今不知所在耳 又云江水至沙羨縣又東逕魯山

南古翼際山也地說曰漢與江于衡北翼際山傍者也山

左卽沔水口矣 又云大別山俗名之爲檀公峴蓋大別

之異名也 史記正義大別山今俗猶云甌山漢江經其

左地理志謂在————非漢水所經也 元和志魯山

一名大別山在今沔州漢陽縣東北一百步其山前枕蜀

江北帶漢水小別山在沔州漢川縣東南五十里 輿地

紀勝漢陽縣有梁城山卽魯山也南史梁武帝自襄陽趨

建業築漢口城以守魯山卽此水經注又名翼際山元和

志又名大別山圖經云上有橫江將軍魯肅廟彼在三代

時謂之大別山不知因何又名魯山也豈因魯肅廟食于



此而名是山歟 方氏通雅孔氏書正義謂大別在壽州  
霍山縣史記索隱謂在——並誤也大別在漢陽府亦曰  
甌山又曰魯山左傳楚拒吳濟漢而陳自小別至于大別  
小別在汭川今漢口世傳大別龜山黃鶴樓磯蛇山也  
方輿紀要大別山在漢陽武城東北二里漢江南岸江水  
經其東漢水從西北來會于大別之東北禹貢內方至于  
大別南入于江左傳楚子常濟漢而陳自小別至于大別  
山之北卽是沔口地經漢水東行觸大別之陂南與江合  
是也山亦名翼際山亦名魯山小別山在漢川縣南十里  
亦名甌山 禹貢錐指禹貢大別山在漢陽府城東北半  
里漢水西岸水經注江水逕魯山南古翼際山也杜元凱  
已知在江夏不在——酈氏亦主杜說而終不能指魯山  
爲大別至唐人始能言之 大清一統志大別山在今漢  
陽府漢陽縣東北一名魯山舊志云在縣東北半里漢江  
西岸江水逕其南漢水從西北來會于山之東南小別山  
在漢川縣東南漢江濱一名甌山府志云在縣東南十里  
莽曰美豐

按水經注作美風似因下安風縣名而譌

安風

水經注淮水又東逕——縣東北又東爲——津 後書  
竇融傳注——故城在今安豐縣南 通典霍邱城北有

——津卽母邱儉敗走見殺處 寰宇記漢——縣在今

霍邱縣西南一百三十里 大清一統志——廢縣在今  
潁州府霍邱縣西南二十里河南固始縣界

莽曰——亭

按莽改六安國曰——改——縣曰——亭則西京六安  
國治——也水經注以爲治六非矣

陽泉

水經注決水又北右會——水水受決水東北流逕——  
縣東又西北流左入決水謂之——口也 後書竇融傳

注——故城在今安豐縣南 寰宇記安陽山在今壽州

霍邱縣西九十里西屬固始東屬霍邱地志六安國有安  
豐縣又有——縣今驗古跡——縣在山西北安豐縣在

卷一百二

六

山東北各取縣之一字爲名也 又云霍邱縣西北九十  
五里有臨水山山東有古城卽漢——縣也其泉從縣西  
南北流入決水城在泉水之陽故名 方輿紀要——城  
在今壽州霍邱縣西北十里 大清一統志——故城在  
今潁州府霍邱縣西



常熟 吳卓信 編纂

長沙國

水經注——故楚南境之地秦滅楚立——郡即青陽之

地也始皇二十六年荆王獻青陽以西漢書鄒陽傳越水

——還舟青陽張晏曰青陽地名也蘇林曰青陽——縣

也城即吳芮所築 方輿勝覽郡以——星得名天文志

云——星名則主壽 方輿紀要通典云其地有萬里長

沙故名——或名軫星旁有小星名——應其地而名史

記越世家復攣麗——楚之粟也——其古名歟 湖南

通志漢——古三苗之國地自春秋以來為黔中地楚

卷一百三

國之南境也 按漢——今湖南——府之善化湘潭

湘陰益陽攸五縣及茶陵州衡州府之衡陽清泉二縣寶

慶府之邵陽縣辰州府之沅陵縣又江西吉安府之安福

縣皆其地

秦郡

漢書考異漢志稱秦郡者一謂因其名而立為國者也如

——郡漢為——是也

高帝五年為國

立番君吳芮文帝後七年國除為郡景帝二年立子定王

發為國

莽曰填蠻屬荊州將十三

臨湘羅連道益陽下雋攸鄱承陽湘南昭陵茶陵容陵安成

臨湘

本書高祖紀五年徙衡山王吳芮為長沙王都——水

經注湘水又北逕——縣西又北逕——縣故城西縣治

湘水濱臨川側故即名焉 水經連水又東北過湘南縣

又東北至——縣西南東入于湘注云連水自湘南縣東

流至衡陽湘西縣界入于湘水于——縣為西南者矣

元和志今潭州郭下長沙縣本漢——縣又醴陵縣亦——

地湘水經縣理東 輿地廣記潭州長沙縣漢為——

縣其城即吳芮所築 寰宇通志長沙府長沙縣秦為湘

卷一百三

二

縣漢改曰——以地臨湘水為名 大清一統志——故

城在今長沙府城南善化縣界

莽曰撫睦

按水經注作撫陸

羅

左傳桓十三年楚屈瑕伐——杜注——熊姓國在宜城縣西

山中後徙南郡枝江縣 國語富辰曰——之亡由季姬

史記屈原傳自投汨羅以死應劭曰汨水在——故曰汨——

索隱曰汨音覓 說文汨長沙汨羅淵也屈原所自沈之

水 水經湘水又北過——縣西 應劭曰楚文王徙羅子

自枝江居此 水經注汨水東出豫章艾縣桓山又西逕



一縣北本一子國也故在襄陽宜城縣西楚文王移之于  
此秦立長沙郡因以爲縣謂之一水又西爲屈潭卽汨一  
澗也西流注于湘春秋之一汨矣 又云一子自枝江徙

此世猶謂之爲一侯城也 玉篇汨澗水名今省作一在

長沙一縣 後書竇固傳注故一縣城在今岳州湘陰縣

東北六十里元和志今岳州湘陰縣本春秋時一子國秦

爲一縣今縣東北六十里故一城是也 寰宇記今岳州

平江縣本漢一縣地 寰宇通志一縣故城在今長沙府

湘陰縣東六十里一名南陽城 今水經羅江在湘陰縣

北七十里源出江西寧縣至岳州平江縣東南合純廬二

水又西南會昌水下流合一水一水自湘陰縣分二水南

流口汨水一經古一城曰一水至屈潭復合故曰汨一又

西流入于湘 方輿紀要一城在岳州府平江縣南三十

里長沙府湘陰縣東北六十里古一國也一本國于城宜

西山楚遷之于枝江後又徙于口北汨水在縣東北一百

二十里 大清一統志一縣故城在今長沙府湘陰縣東

北汨水自江西南昌府寧州流入岳州府平江縣東經縣

一西又西流入長沙府湘陰縣界 水道提綱汨水卽平江

出平江縣東與江西界之黃洞嶺西南流又西北至縣東

北境折西南經城東南及西又西北又西南又西北分爲

二支並入湘曰屈潭亦曰汨一口

連道

水經漣水出——縣西東北過湘南縣南又東北至臨湘縣西南東入于湘注云漣水資水之別也出邵陵縣界南逕——縣縣故城在湘鄉縣西一百六十里控引衆流合成一谿東逕湘鄉縣 方輿紀要——城在長沙府湘鄉縣西南六十里或亦謂之龍城漣水在縣東南四十里水有二源一出龍山一出珍璉山合流九十里入于湘江大清一統志——故城在今長沙府湘鄉西漣水源出寶慶府邵陽龍山東流逕湘鄉縣入湘潭縣西南注于湘一名湘鄉河 水道提綱漣水有二源一出寶慶東北大龍山一新化縣北境山中各流二百餘里而合又東南至大江口南又南折東北又東經湘鄉城東南又東經湘潭縣城南入湘江此水源流五百餘里

卷一百三

四

益陽

水經注資水東北出——縣其間逕流山峽名之爲茱萸江蓋水變名也茱萸江又東逕——縣北又謂之資水應劭曰縣在益水之陽今無益水或卽資水之殊目矣 後書桓帝紀注——今潭州縣也故城在縣東 通典今潭州——縣本漢舊縣又岳州沅江縣亦漢——縣地 元和志巴陵郡沅江縣本漢——縣地資水一名茱萸江南自邵州流入經縣南三十步益水在縣東南益山東北流入資水 舊唐書地理志——故城在今縣東八十里

寰宇通志——縣在長沙府城西北二百里本秦舊縣以



地在益之陽故名 大清一統志一一故城在今長沙府

一一縣東

湘山在北

史記五帝紀黃帝南至于江登熊湖 又始皇紀二十八

年浮江至湘山祠大風幾不得渡 又封禪書始皇南至

湘山 荊州記青草湖南有青草山湖因山得名山卽湘

山也 括地志湘山一名扁山在岳州巴陸縣南十八里

方輿勝覽湘山在一一洞庭之中卽熊耳山也湘君所

游處亦曰君山秦皇至湘山祠大風不得渡遂赭其山

大清一統志湘山在今常德府沅江縣東接岳州府巴陵

縣界

卷一百三

五

下雋

說文長沙有一一縣徂充切 郭璞山海經注雋音昨充

反師古曰音字充反又辭充反 晉書音義雋音似轉反

水經江水又東至長沙一一縣北澧水沅水資水合東

流注之湘水從南來注之注云凡此諸水皆注于洞庭之

陂是乃湘水非江川也江水又會湘水所謂江水會者也

又云澧水又東至一一縣西北東入于江注云澧水流

注于洞庭湖俗謂之曰澧江口也 又云沅水又東至一

一縣西北入于江注云沅水下注洞庭湖方會于江 又

云湘水又北過一一縣又北至巴邱山入于江注云湘水

至此合諸水同注洞庭湖水廣圓五百餘里日月若出

没于其中也 後書馬援傳注——故城在今辰州沅陵

縣 通典今岳州所理巴陵縣辰州所理沅陵縣並漢——

縣地——古巴邱也 元和志——故縣在今唐年縣

西南一百六里因雋水為名 輿地紀勝雋水一名陸水

自己陵入通城界圖經云雋永也又曰肥肉曰雋以此名

水取其味 美而長也 方輿紀要今岳州府附郭巴陵

縣本漢長沙——縣地——城在常德府沅江縣東章懷

注謂在辰州沅陵縣誤也 大清一統志——故城在今

辰州府沅陵縣東北按漢志武陵郡充縣澧水所出東至

——入沅後漢書馬援傳援征五谿軍至——計其地當

在澧州安鄉縣然歷代地理俱以今武昌府通城縣及岳

卷一百三

州府巴陵臨湘二縣當之馬援軍至——進壺頭武昌岳

州與壺頭相隔千里必非其地然即以沅陵縣為——亦

屬可疑沅陵在武陵之西——屬長沙郡不應反在武陵

西也今姑從後漢注及通典繫于此

芥曰閏雋

攸

水經涑水又西北過——縣南注云——水出東南安城郡安

復縣封侯山西北流逕其縣北縣北帶——溪蓋即溪以名

縣也又西南逕茶陵縣入于涑水 通典今衡州——縣本

漢舊縣 寰宇通志——縣在長沙府城南三百六十里以

其地在——水之西故名——水在縣東十五里 今水經——



水一名伯水源出江西安福縣封侯山西流經一縣東一十五里爲一水洙水入之又至茶陵江口入于湘 大清一統志一縣故城在今長沙府一縣東一水自江西吉安府安福縣流入縣東十五里又西入洙水一名伯水 水道提綱一水源出江西界之瀘瀟山西麓西南流會諸水折而南至安福縣東北又西會北涿江又西流入于湖 按王子侯表武帝元朔四年封長沙定王子則爲一與侯注曰南陽而水經注以爲卽長沙之一縣小司馬主其說未審其確

鄰

孟康音鈴

師古音靈

晉書音義來丁反

集韻或作

卷一百三

七

鄠 說文一長沙縣也臣鍇按字書湘東地名 荊州記地有一湖周回三里取湖水爲酒極其甘美因以爲名

郭仲堅湘中記衡陽縣東二十里有一湖周三里深八尺

湛然綠色土人取以釀酒其味醇美晉武帝平吳始薦一

酒于太廟災都賦飛輕觸而酌一渌是也 水經耒水又

北過一縣東注云縣有一湖湖中有洲十三州志曰大別

水南出耒陽縣太山北至一縣入湖也 水經注承水至

湖東臨承縣北東注于湖謂之承口臨承卽故一縣也縣

有一湖湖邊尙有一縣故城西北去臨承縣一十五里

通輿今衡州所理衡陽縣本漢一縣地 寰宇記一縣故

城在今衡陽縣東十二里 大清一統志一縣故城在今

衡州府清泉縣東一湖在縣東水可釀酒名一潑酒縣志云今名零湖與耒水通可溉田百頃

承陽

續志作烝陽 應劭曰在承水之陽 續郡國志俯臨蒸

水其氣如蒸故曰臨蒸 師古曰承水源出零陵永昌縣

界東流注湘也承音烝或作丞 元和志蒸陽故城在今

衡陽縣西一百七十里 方輿勝覽青草渡在衡陽縣北

一里即蒸水 今水經蒸水源出寶慶府邵陽縣耶薑山

東北流至衡陽縣界會清陽水又北流經衡州府城北入

于湘 方輿紀要一一城在衡州府西北七十里烝水在

城北 大清一統志一一故城在今衡州府衡陽縣西烝

水在縣北二里自寶慶府邵陽縣流入東北入湘 水道

提綱烝水有數源遠者出衡陽縣西南大雲山東北流又

東流過衡州府城西北又東北至烝口入湘江

湘南

水經注漣水又逕湘鄉縣又屈逕其縣東而入一一縣也

通輿今潭州衡山縣漢一一縣又湘鄉縣漢一一縣之

湘鄉也長沙王子封湘鄉侯即此 元和志今潭州湘鄉

湘潭二縣並漢一一縣地 大清一統志一一故城在今

長沙府湘潭縣西六十里縣志云俗名花石城

禹貢衡山在東南荊州山

舜典五月南巡狩至于南岳 禹貢岷山之陽至于衡山



夏官職方荊州山鎮曰衡山鄭注衡山在—— 尔正

釋山江南衡郭注衡山南嶽 廣雅岫嶺謂之衡山 續

郡國志衡山在長沙郡——縣東南 徐靈期南嶽記衡

山者朱陵之靈臺太虛之寶洞宿當翼軫度應機衡故名

衡山禹導水通瀆刻石書名山山高四千一十丈周回八百

里回雁爲首嶽麓爲足 湘中記衡山有玉牒禹按其文

以治水遙望衡山如陣雲沿湘千里九向九背乃不復見

水經注湘水又北逕衡山縣東山在西南丹水湧其左

醴泉流其右山經謂之岫嶺山爲南嶽也東南二面臨映

湘川自長沙至此沿湘七百里中有九向九背故漁者歌

曰帆隨湘轉望衡九面山上有飛泉下映春林直注山下

卷一百三

九

望之若幅練矣湘水又東北逕——縣東又歷湘西縣南  
分——置所也 括地志衡山在衡州湘潭縣西四十一

里 元和志南岳記曰上如車蓋及衡軛之形故名 唐

六典江南道名山曰衡嶽 方輿紀要衡山在衡州府衡

山縣西北三十里自漢武帝移南岳之名于霍山隋文帝

始復以衡山爲南蓋跨長沙衡州二府之境 大清一統

志衡山在今衡州府衡山縣西三十里五岳之一也 禹

貢雖指爾疋釋山云江南衡李巡曰南岳山衡也下文又

云霍山爲南嶽郭璞曰霍山今在廬江潯縣西南別名天

柱山漢武帝以衡山遠曠移其神于此今其土俗人皆呼

之爲南岳本自以兩山爲名非從近來也而學者多以霍

山不得爲南岳又言從漢武帝始乃名之如此言謂武帝在爾疋前乎斯不然矣予按徐靈期南岳記云衡山者五岳之南岳也其口高矣至于軒轅乃以灕霍之山爲其副焉故爾雅云霍山爲南岳此蓋本方士家言漢武信之遂移衡山之祭于灕霍其實南岳曰衡山初無二名釋山後一條當是後人所附益璞據不經之言以衡山一名霍山自古已然非由漢武不亦謬乎 爾疋正義郭云南岳本自以兩山爲名非從近者其意以衡霍爲一山也尙書大傳有中祀霍山及奠南方霍山之文大約爲後人哀集不盡可據應劭謂衡一名霍傅會漢制實則衡之與霍自爲兩山通典引三禮義宗云唐虞以衡山爲南岳周氏以霍

山爲南岳此見爾疋前後異文求其故而不得強爲之詞然未嘗不以衡霍爲二山也水經釋禹貢山水釋地云霍山在廬江灕縣衡山在長沙湘南縣是亦以衡霍爲二山也以爾疋前後覈之釋地所云梁山卽爲衡山此由于聲之轉也釋山上云江南衡下云霍山爲南岳卽使衡山別名霍山不得一篇之中互舉其名况霍之爲義由于大山宮小山也今天柱山中峯小而四圍有大山以宮繞之衡州之衡山則中峯獨高而前後左右諸山皆在其下揆諸疋訓則天柱可名曰霍衡山不得名之曰霍此可以目驗而知也蓋爾疋此文爲漢武以後諸儒所竄易漢初儒者曾益五岳之名于釋山篇末與封禪書同武帝以後復改



衡爲霍以附合時制郭氏不悟其竄易遂遷就而爲之祠耳

### 昭陵

水經資水又東北過劭陵縣之北注云劭陵縣治郡下南臨大溪水迺其北謂之邵陵水縣故——也 元和志今邵州郭下邵陽縣本漢——縣 名勝志邵水發源龍山去城東八十里奇峯四出望之面面相似頂有龍池泉如湧潮入湘鄉者爲漣水入邵陽者爲邵水邵水自東而南城居其北故名邵陽 大清一統志——故城卽今寶慶府治 水提道綱邵水卽花橋洪橋官橋三水也花橋水出南境思鋪之西南山北流至寶慶府東南會官橋水又西北會洪橋水合而北流經府東而北入資水 按王子侯表長沙刺王子賞封昭陽侯疑陽爲陵之譌又史記建元以來王子侯表武帝元朔四年封長沙王子章爲洛陽侯索隱曰表作路陵在南陽夫長沙之子何以封于南陽括地志云卽——是也

### 茶陵

續志作茶陵 說文茶苦茶也从草余聲臣鉉等曰此卽今之茶字 師古曰茶音戈奢反又音丈加反 晉書音

義大家反 元和志今衡州——縣本漢舊縣以南臨茶

山故名 寰宇記——故城在今攸縣東一百四十里俗

名茶王城 城家記——州東五十里有茶王城漢元朔

中——節侯訢所築 茶陵縣圖經茶陵者謂陵谷生茶  
茗 九域志茶陵縣有茶水 魏了翁古今考茶之始其

字爲茶如春秋齊茶漢志——之類陸顏諸人雖已轉入  
茶音未嘗輒改字文惟陸羽盧仝以後則遂易茶爲茶其  
字从草从人从木矣 方輿勝覽茶山在今——軍城之

東茶水源在縣西百二十里景陽山北流至隴下十餘里  
合白鹿泉 寰宇通志——縣在長沙府城南四百八十  
里以其地居茶山之陰故名—— 方輿紀要——廢縣

卽今——州治舊志云茶山高千五百丈周回百四十里  
茶水發源山北流隴下十里合白鹿泉水以入于涑茶山  
卽雲陽山以陵谷間多生茶茗故名 大清一統志——

卷一百三

五

故城在今長沙府——州東五十里卽古茶王城茶水在  
州東西流入涑水 水道提綱背江卽古茶水出江西永

新縣界景陽山西流百餘里又西南會涑江 按王子侯  
表——節侯訢武帝元朔四年以長沙定王子封注曰桂  
陽而志屬長沙蓋移隸也

泥水西入湘行七百里

水經涑水出——縣上鄉西北過其縣西又西北過攸縣  
南又西北過陰山縣南又西北入于湘注云涑水出江州  
安成郡廣興縣太平山西北流逕——縣之南又屈而過  
其縣西北地理志謂之泥水者也 今水經涑水源出鄴

縣涑泉經——縣西北至攸縣東七里入攸水 方輿紀



要洙江在——州西北亦名——江源出鄱縣北流數十  
里入州境又西入攸縣界合于攸水又西至衡山縣入湘  
江 大清一統志洙江自衡州府鄱縣流入——州西北  
流經攸縣南又西流入衡州府衡山縣界一名洙水又名  
泥水其發源名洙泉水今名——江 水道提綱洙水源  
出鄱縣南與桂東縣界烟竹堡南山曰米泉北流數十里  
又西北又北有水西自順風嶺來會曰洙江凡鄱縣西南  
北境之水皆注之又折而東北又西北至——州南折而  
東北經州東南又北折西北又西經城西北有背江浦江  
來會又西至攸縣東南會攸水合而西流經縣城南又西  
有小江來會又西北至衡山縣南之——口入湘江洙水  
源流自南而北而西北行六百餘里

卷一百三

三

莽曰聲鄉  
容陵

水經注陰山縣有容水自侯曇山下注洙水謂之容口

按王子侯表武帝元光六年封長沙定王子福爲——侯  
卽此

安成

表及續志並作安城 寰宇記漢——縣本赫茨亭今吉

州安福縣西六十里有——故城存 寰宇通志漢——

故城在吉安府安福縣西五十里漢——侯張普築 大

清一統志——故城在今吉安府安福縣西 按王子侯

表武帝元光六年封長沙定王子蒼爲安城侯注曰豫章而豫章無安城縣蓋一一本長沙縣建爲侯國乃改隸豫章國除之後仍還長沙也水經注以爲汝南之一一誤矣  
廬水東至廬陵

屬豫章郡

入湖漢

水經注廬水西出長沙安復縣東至廬陵入湖漢水今水經廬水源出安福縣西二百二十里廬蕭山至安福縣城北爲廬水東流入于禾水禾水又東流至廬陵神岡山下入于贛大清一統志瀘江在今吉安府廬陵縣南卽古廬水舊志云瀘江源出安福萍鄉二縣界之瀘蕭山東

流一百八十里經安福縣北又東折而南八十里與永新縣東之永新江會入廬陵縣界又四十餘里至城南十五里大臯渡入贛江水道提綱廬水卽廬水爲豫章十用之一源出安福縣西二百入十里廬蕭山東流折而南又東至安福縣城西北又東經城北又東南經螺江鋪南卽府城西南境也有禾水漿水合諸溪來會曰永新江亦曰潞江既合而東南流又東經府南入贛江卽神岡山下也

莽曰思成



